



INC. NAZ.  
GOV. DIOCI.

162  
B  
39.

NAZNAPOLI

BIBL. NAZ.  
VITT. EMANUELE III

162  
B  
39  
NAPOLI







SYNODVS  
DIOECESANA  
CREMENSIS.

HABITA

AB ILLVSTRISS., & KEVERENDISS. D.

D. MARCO  
ANTONIO  
ZOLLIO

DEI, & APOSTOLICÆ SEDIS GRATIA \* *St. xeno*  
EPISCOPO CREMENSIS. *Episcopus*

*Die 1X. Septembris, & duobus sequentibus*  
*In Cathedrali Crema. Anno M. DC. LXXXVIII.*

Cum nonnullis Decretis, & Constitutionibus  
Apostolicis additis

Ad regimen Ecclesiarum, & ministrationem Sacramentorum  
præcipuè spectantibus.



BERGOMI, Apud Fratres Rubeos, 1688.

SVPERIORVM PERMISSV.

3703  
ATLANTA  
FEBRUARY 12  
HARRIS

COMMERCIAL  
OFFICE

ATLANTA

ATLANTA

ATLANTA

ATLANTA



M A R C V S  
A N T O N I V S  
Z O L L I V S

DEI, & APOSTOLICÆ SEDIS GRATIA  
EPISCOPVS CREMENSIS.

Vniuerso Clero Ciuitatis, & Diocesis suæ  
salutem, & paternam benedictionem.

**E** Vulgamus nunc Typorum Opera quacumq; in nostra nuper celebrata Synodo, vel cogente necessitate, vel suadente pietate, vel exigente temporum conditione decreuimus. Minori, quantum potuimus,

sanctionum numero vestram studuimus onerare obedientiam, ut potè qui non à multitudine, aut seueritate legum, sed à vestra in pietatem propensione, morum innocentiam, totiusque Cleri sanctitatem aut restitutam, aut firmatam, aut promotam speramus. Et quanquam ad iniicienda licentia vincula se se in dies, siue natura humana vitio, siue Dæmonis suadela laxanti has sancire necessarium duximus, earumque obseruantiam ab omnibus Cleri ordinibus enixè petimus, imo exigimus, ideòque quoscunque Ecclesiasticos Viros quacunque etiam speciali nota dignos, cuiuslibet gradus, & dignitatis existant, decretis hac in Synodo pœnis, mandatis, ordinationibus, & censuris vniuersis teneri volumus, & mandamus: attamen, quia patris magis affectu, quàm auctoritate ea constituimus, quibus ad curam cum vestra, tum totius Nobis crediti gregis salutis, hoc est in pastoralis nostra sollicitudinis partem vocamus, vos etiam filiorum potius amore, quàm pœnarum timore hac amplexuros, iisdemque libentissimum obsequium prestituros esse confidimus: certè nostris pro vestra incolumitate animi contentionibus hac  
gaudia,



gaudia, nostro de vestra aeterna felicitate laboranti amoris gratias expectamus. Quaecunque ergo hic scripta sunt (nam ad omnium nostrum doctrinam, & reformationem scripta sunt) alacri animo, & ea mente suscipite, qua scripsimus, & nostrum studium vestra obedientia, nostros conatus vestro studio perficite, ut omnes bene agentes, quod agimus opus Domini, prosequamur, ac per patientiam, & consolationem scripturarum spem habeamus. Valete in Domino.



IN

**I**N DEI NOMINE AMEN. *Præsen-*  
*tis publici documenti serie cunctis ubique*  
*pateat euidentèr, & sit notum, sicuti Anno*  
*Natiuitatis eiusdem D. N. Iesu Christi,*  
*millesimo, sexcentesimo octogesimo octauo,*  
*Indictione undecima, die verò Iouis nona*  
*mensis Septembris, Pontificatus autem SS.*  
*in Christo Patris, & Domini Nostri Domini*  
**INNOCENTII** *Diuina Prouiden-*  
*tia Papa XI. Anno XII.*



**I**llustris, & Reuerendis. in Christo  
 Pater DD. MARCVS ANTONIVS  
 ZOLLIVS Dei, & Sanctæ Sedis Apo-  
 stolicæ gratia Episcopus Cremen-  
 sis, &c. pro celebratione suæ primæ Di-  
 cecsanæ Synodi iuxta per Dominatio-  
 nem suam ordinata, & disposita in  
 editis locis solitis affixis sub diebus 9.

Martij, 15. Maij, & 23. Augusti mensium proximè præ-  
 teritorum, & in actis curiæ Episcopalis existentibus, &  
 præmissa indictione sacrarum precum omnibus Ciuitatis  
 sanctimonialibus, & ad idem inuitatis Regularium Cætibus,  
 circa decimam quartam horam dictæ dici post longam om-  
 nium Campanarum Cathedralis, & Ecclesiarum Ciuitatis  
 pulsationem, quæ etiam in sero hesterni diei præmissa fue-  
 rat, descendit è Palatiò Episcopali indutus Cappa, & ac-  
 cessit ad Cathedralem suam Ecclesiam, & ad propriam Se-  
 dem in Choro, præeuntibus Clero Ciuitatis, & Diocesis,  
 nec non Canonicis eiusdem Cathedralis, ibique in habitu  
 Pon-

Pontificali cum Pluuiali, & Mitra, dedit initium Tertiar, assistentibus M. Illustri, & M. R. D. Ludouico Vicomercato I. V. D. Archidiacono vices M. Illustri, & Reuer. D. Antonij Obitij I. V. D. Præpositi ægritudinis causa absentis exercente, nec non Illustribus, & M. R. R. DD. Io: Antonio Basso I. V. D. Canonico Decano, & Io: Petro Dornetto Canonico, ceteris Canonicis, & Præbendarijs in Choro existentibus, Clero verò ad ipsam Synodum conuocato in medio Ecclesiæ intra cancellos ad id paratos, & expleta Tertia, Missam de Spiritu Sancto cum Musicis, & Organo decantauit, eaque finita, cæpta fuit processio ad gratiam Spiritus Sancti inuocandam ab ipsa Ecclesia Cathedrali ad Parochialem Ecclesiam Sanctissimæ Trinitatis, in qua processione interfuit Clerus Secularis, & Regularis, cum assistentia præfatorum DD. Canonicorum Bassi, & Dornetti cum Tunicellis à lateribus Dominationis sue Illustris, nec non dicti D. Archidiaconi Vicomercati præcuntis cum Pluuiali, prout etiam cum Pluuiali ex concessione Episcopali, interfuerunt M. R. R. DD. Præpositi Ciuitatis, & Vicarij foranei, R. R. verò Parochi omnes cum superpelliceis mundis, & stola, ceteriue Presbyteri cum superpelliceo, recitatisq; in ipsa Ecclesia Sanctissimæ Trinitatis nonnullis precibus, redijt processio ad Cathedralem eandem, ibiq; dimissis Regularibus, Clerus ipse, & omnes ad Synodum eandem vocati proprium tenuerunt locum (seruato ordine, vt in Cathalogo, ipse verò Illustrissimus D. Episcopus sedit in plano Ecclesiæ super Cathedra prope vltimum gradum Presbyterij cum Pluuiali, & Mitra, & dictis Assistentibus, & mensa ante se posita, recitatis prius Litanij, precibusque præscriptis,

Quibus expletis M. Reuer. D. Ioseph Roncellus Rector Seminarij huius Ciuitatis elegantem, & conuenientem habuit latinam Orationem in Cathedra parata pro Secretario Synodi, & post eam Ill. & M. R. D. Canonicus Claudius

dus Sacchella Secretarius Synodi Cathedram ipsam ascendit, & iuxta præscripta Toletani Concilij publicauit Dominationis suæ Illustriss. Decretum, vt in actis, de nominando circa vocationem, locum, & sessionem, alicui præiudicio, & de præseruanda cuicunque debita præcedentia, & successiue pronuntiati fuerunt omnes Synodi Officiales, scilicet Promotor, Secretarius, Præfecti disciplinæ Synodalis, qui vota, & suffragia legitima dari curarent, Iudices ad querelas, & excusationes absentium, Confessarij pro Clero cum omnimoda facultate, etiam casuum referuatorum, & potestatis Episcopalis non delegatæ, durante Synodo, Magistri Cæremoniarum, Ostiarij, & Notarius Synodi prout in Tabella magna, de qua in Actis, in ipsa Cathedrali Ecclesia prius patenter exposita.

His præmissis M. Ill. & Adm. R. D. Ludouicus Vicomercatus Archidiaconus I. V. D. & Synodi Promotor Deputatus in medio Ecclesiæ antemensam, & locum sessionalem suæ Dominationis Illustriss., & Reuerendiss. ad effectum constare faciendi de omnium obedientia, vel contumacia aliquorum institit declarari catalogum Cleri publicari, omnes vocari, & contumaces puniri; sicq; altè lecto per D. Canonicum Secretarium ipsius vocationis decreto, & mandato contra contumaces procedendi, nec non prohibitionem discedendi ab incepta Synodo sine licentia Episcopali sub penis, &c. vocati fuerunt omnes interesse debentes Cremenſi Synodo iuxta ordinem, & catalogum in Actis existentem, notatis absentibus, & referuato ipsorum iudicio D. D. vt in Tabella ad id Deputatis.

Post hæc, inclinantem iam die, & instante D. Promotore, indicta fuit continuatio sessionis à prandio hora vigesima prima, & data solènni benedictione per Dominationem suam Illustriss. omnes recesserunt.

Eadem die, hora intimata, Illustriss., & Reuerendiss. Dominus Episcopus reuersus est ad campum Cathedralium,

&

2  
& intra cancellos prædictos, & Sedes, omnibus in habitu congruo sedentibus, recitato ad instantiam D. Promotoris Hymno *Veni Creator Spiritus*, sedit cum Pluviali, & Mitra in supradicto loco sessionali.

D. Secretarius euulgavit Decretum de Obedientia ab omnibus præstanda Officialibus in Tabella magna deputatis, durante Synodo, & D. Promotore requirente, lectum fuit Mandatum per ipsum D. Canonicum Secretarium, quod omnes, & singuli Beneficiati, qui in alia Synodo professionem Fidei non emisissent, iuxta Tridentinum *sess. 25. de ref. cap. 2.*, eandem emittere tenerentur, prout iuxta Bullam, & formulam S. D. N. Pij Papæ IV. fel. record. prius ab ipso Secretario alta voce lectam emisserunt, Dignitatibus, & Canonicis profundè inclinatis ad mensam suæ Dominationis Illustris, cæteris verò genuflexis.

SUCCESSIVÈ D. Promotor pro executione S. Conc. Tridentini, & Const. B. Pij Quinti institit Synodo proponi aliquot probatos viros Licentiatos, siue Doctores, aut aliàs idoneos, qui munere Examinatorum Synodaliū pro concursibus, & examinibus ad Parochiales Ecclesiasungerentur, ideoq; de mandato, &c. D. Canonicus Secretarius legit, & proposuit Synodo pro talibus approbandos votis secretis, & vsq; ad Synodum futuram duraturos D. D. Antonium Obitium I. V. D. Præpositum Cathedralis. Ludovicum Vicomercatum I. V. D. Archidiaconum. Ioannem Antonium Bassum I. V. D. Canonicum. Petrum Bondentum I. V. D. Can. Penitentiarium. Claudium Sacchellam Canonicum. Antonium Farram Canonicum Theologum. Camillum Clauellum Canonicum I. V. D. Ioannem Baptistam Dornettum I. V. D. Præpositum S. Iacobi Maioris. Ioannem Baptistam Venturellum S. T. D. Præpositum Sanctissimæ Trinitatis. Petrum Antonium Vailatum Archipresbyterum Offanengi. Federicum Benellum Rectorem Bagnoli. Ioannem Antonium Tolottum Archipresbyterum

B

rum

rum Ripaltella Arpinotum, Stephanum Patrinum Rectorem Moscazani, Ioannem Aicoldum, & Ioannem Baptistam Doctum.

Dictis Examinatorum propositorum nominibus euulgatis, lectum fuit Decretum in virtute S. Obed. mandans omnibus votum ferentibus, quod unicuique à singulis daretur suffragium, remota omni fraude, & suffragiorum multiplicatione, & subinde pro vnoquoque ex propositis separatim datis à tota Synodo secretis suffragiis. In mensa Illustrissimi à me Notario, & Cancellario numeratis, ut in Actis inuentum fuit omnes predictos à maiori parte suffragantium approbatos fuisse, prout statim alta voce publicati, & ipsi sic electi, & approbati ordine supraposito, & modo predicto, ad Sancta Dei Evangelia iurauerunt de munere eorum fideliter exercendo, &c.

Iuramentis predictorum per me receptis in Actis, instante D. Promotore, Dominatio Sua Illustriss. & Reuerendiss. nocte iam ingruente, secundam futuram sessionem pro sequenti die Veneris X. Septemb. hora XIII. per D. Secretarium intimauit, & data Pastoralis Benedictione, omnes recesserunt.

Die itaque sequenti, hora conuincta, & ordine antea scripto, post Missam de Requiem à Canonico Hebdomadario celebratam, assistente in solio solito Illustriss. & Reuerendiss. Episcopo, idem Illustrissimus Pluviali, & Mitra indutus, sedens in supradicto loco sessionali in Cathedra ad gradus Presbyterij, graui Oratione, & Pastoralis concione de doctrina Ecclesiasticis viris necessaria sermonem habuit, quo per Synodum attentissimè audito, ad minuendam temporis iacturam, quæ ex multitudine suffragantium in electione ad munera synodalia emergebat, propositum fuit, mandato Suae Dominationis Illustriss. & Reuerendiss. legente D. Canonico Secretario, Decretum compromissi, in quo una cum Dominatione Sua Illustrissima

nomine totius Synodi vota darent pro electionibus futuris  
Dignitates Capituli, & quatuor eiusdem Canonici, &  
tres Præpositi nuncupati Ciuitatis, pro Clero Urbano; &  
pro Clero Diœcesano omnes sex Vicarij Foranci vnâ cum  
quatuor ex Parochis Titulatis senioribus Diœcesis.

Audito ad temporis redemptionem opportuno decreto,  
Synodus integra, datis suffragijs, illud plenè approbauit,  
cuius vigore omnes Compromissarij prædicti ante mensam  
Suz Dominationis Illustrissimæ in recta linea sedentes vota  
dedere pro approbatione Iudicij Synodalijs a Sua Do-  
minatione Illustris. instante D. Promotore, per D. Can. Se-  
cretarium propositorum, qui omnes maiori parte voto-  
rum prædictorum approbati fuerunt, nempe D. D. Anto-  
nius Obitius I. V. D. Præpositus Cathedralis. Ludouicus  
Vicomercatus I. V. D. Archidiaconus. Io: Antonius Bassus  
I. V. D. Canonicus. Petrus Bondentus I. V. D. Can. Peni-  
tentiarius, ac Vicarius Generalis Episcopalis. Franciscus  
Fadinus I. V. D. Can. . Antonius Farra Can. Theol., & Ca-  
millus Clauellus I. V. D. Canonicus.

Recepta in Actis per me Notarium, & alta voce publi-  
cata dictorum D. D. Iudicij Synodalijs approbatione,  
D. Promotor institit per Dominationem suam Illustris.,  
& Reuerendis. viros idoneos ex corpore Cleri destinari  
cum libera facultate, & mandato agendi in iudicio, & extra  
tanquam Defensores, & Procuratores totius Cleri Cre-  
mentis in omnibus negotijs, & occurrentijs, in quibus de  
interesse eiusdem Cleri agi contingeret, ideoque mandato  
suz Dominationis Illustris. voce D. Canonici Secretarij  
vti tales Procuratores, & Defensores ad aliam vsq; Syno-  
dum duraturi nominati fuerunt, & successiue a maiori par-  
te D. D. Compromissariorum secretis suffragijs approbati  
D. D. Antonius Obitius I. V. D. Præpositus Cathedralis.  
Ludonicus Vicomercatus I. V. D. Archidiaconus. Anto-  
nius Farra Can. Theologus, Antonius Plaranicus Canon.

Io: Baptista Tinctorius Can. Ioannes Baptista Dornettus I.V.D. Præpositus nuncupatus S. Iacobi Maioris. Ioannes Baptista Ventùrellus S.T.D. Præpositus nuncupatus Sanctissimæ Trinitatis. Petrus Antonius Vailatus, Archipresbyter Offanengi. Io: Baptista Regalus Rector Ripaltæ novæ, & Ioannes Andreas Tolottus Archipresbyter nuncupatus Ripaltellæ Arpinorum, prout ipse, facta diligenti votorum numeratione, alta voce publicavi, & in Actis recepi.

Deinde mandato suæ Dominationis Illustrissimæ per me Notarium, & Cancellarium proposita fuit electio vnius Deputati ad regimen V. Seminarij, stante dicti officij vacatione, cuius prouisio in persona ex gremio Cleri Urbani eligenda pertinet ad Clerum legitimè congregatum iuxta textum Tridentini *sess. 23. c. 25.* ideoq; inter plures in scrutinio nominatos maiorem votorum numerum exegit Adm. Reu. D. Ioannes Baptista Venturellus S.T.D. Præpositus nuncupatus Sanctissimæ Trinitatis, & sic electus, & deputatus remansit.

Quibus expletis, instante D. Promotore, per D. Can. Secretarium enunciata, intimata, & publicata fuerunt Constitutiones Concilij Tridentini de Parochorum, & Canonicorum residentia *sess. 23. cap. 1. & sess. 24. cap. 12.*, decreta S. Congr. de celebratione Missarum mandato Sanctissimi D. Urbani Papæ VIII. emanata anno 1625. necnon Constitutiones Gregorij XV. contra sollicitantes in confessione, Sixti V. contra Beneficiatos non incedentes in habitu, & tonsura, B. Pij V. contra confidentias beneficiales, eiusdem contra Simoniacos, Urbani VIII. de festorum celebratione, necnon Clementis X. anni 1670. de Regularium priuilegijs circa prædicationem Verbi Dei, & Sacramentorum administrationem; quibus expletis mandato suæ Dominationis Illustriss. idem D. Can. Secretarius præcepit Parochis, & Beneficiatis omnibus, quod eadem die post vesperas hora 21. conuenire tenerentur coram D. D.

De-



Deputatis ad scrutinia in presbyterio Cathedralis, & in Capella S. Pantaleonis iuxta cuiusq; Classem, vocationem, & ordinem statutum, & assignatum in tabella magna Officialium huius Synodi affixa in Ecclesia, & vt in Actis, & in dictis locis respondere tenerentur super iis, super quibus à dictis DD. Scrutatoribus interrogari contingeret, iuxta aliam tabellam scrutinii, & vt in Actis, &c. Quo mandato publicè audito institit D. Promotor pro indictione tertiæ sessionis pro die crastina sequenti, hora 15. & lecta per D. Can. Secretarium tali intimatione, & data Pastoralis Benedictione, omnes abiere.

A prandio eiusdem diei loco, & hora denunciatis, habitata fuerunt scrutinia omnium Parochorum, & Beneficiatorum à D. D. Præsidibus vt in tabella magna deputatis, & iuxta methodum tabellæ scrutinii, de quibus in actis.

Die Sabbathi XI. Septemb. hora circiter XV. Illustrissimus, & Reuerendissimus Episcopus Pontificalibus indutus assistit Missæ solemnī de B. V. M. celebrata à Canonico Hebdomadario, postea descendit ad locum, & cathedram sessionalem, & ad solitam mensam apud vltimum gradum Presbyterii erectam, ibiq; disertissimam concionem habuit de sanctitate Sacerdotibus necessaria, & studio pro ipsa assequenda impendendo, sicque incepram præcedenti die tractationem absoluit, vt & doctrinæ, & sanctitatis necessitatem Clerus perspiceret, easque, dante Domino, assequi satageret.

Institit subinde D. Promotor pro decretorum publicatione, quæ Dominationi suæ Illustriss. pro disciplinæ Ecclesiasticæ reparatione, conseruatione, & incremento viderentur conuenientia, & opportuna; Ideoq; de mandato, &c. D. Can. Secretarius legit, & euulgauit elata voce omnia decreta huius Synodi per me Notarium, & Cancellarium eidem tradita, & annexa huic instrumento, quorum tenore audito à toto Clero, nullus quidquam opposuit, &

D. Pro-

D. Promotore instante, & eodem Illustrissimo mandante per D. Can. Secretarium impositum mihi fuit omnia gesta, actitata, & Decreta in Actis recipere, & ad perpetuam futuram memoriam, vnum, vel plura conficere instrumenta, & documenta, prout ego publicè recepi, & legalem Actorum extensionem, & præsentis publici instrumenti editionem promisi, reservato authographo in archiuio, & Cancellaria Episcopali.

Post quæ D. Promotor, explicata rerum agendarum conuenienti consuetudine, institit pro Synodi dimissione, pro vt mandato, &c. statim D. Can. Secretarius legit decretum, vt in Actis, absolutionis Synodi, benedicente Domino, completæ, & facultatis concessæ omnibus congregatis ad Ecclesias proprias diuertendi, & inchoato per Dominationem suam Illustriss. in ipso loco sessionali, versa facie ad aram maximam, Hymno *Te Deum laudamus*, prosequente organo, & Clero alternatim usque ad finem, eadem Dominationis sua Illustriss. benedictionem solemnem Episcopalem largita est, & Reu. D. Ioannes Baptista Guarinus Cæremoniarum Magister Indulgentiam Episcopalem in forma Ecclesiæ consueta publicauit, & Canonico Diacono intonante *Recedamus in pace*, Clerus vniuersus respondit, *In nomine Christi Amen*. Et depositis paramentis Episcopalibus præcedente toto Clero, & Capitulo Illustrissimus, & Reuerendiss. D. Episc. ad Palatium suum rediit.

Prædicta autem omnia, & singula acta fuere in Cathedrali Ecclesia Cremæ, diebus, & anno superscriptis, præsentibus pro testibus R.R. D.D. Francisco Bonasco, Thoma Piantanida, & Andrea Rodschino Sacerdotibus notis, & idoneis ad prædicta, & singula omnia in vnaquaq; sessione, ac tota Synodo specialiter adhibitis, vocatis, & rogatis.

Ego Tiburtius Canoniens publ. Cremæ Not. Coll. ac Cancellarius Episcop. ac huius Diocæsana Synodi Not. de præmissis omnibus, & singulis rogatus præsens publicum tradidi documentum, & in publicam formam edidi, & subscripsi.

MAR-

# MARCVS ANTONIVS ZOLLIVS

Dei, & Apost. Sedis Gratia Episc. Cremen.

*Dilecto nobis in Christo Vniuerso Civitati,*

*& Diocesi Clero salutem,*

*& Episcopatem Benedictionem,*

*X* quo humilitatem Nostram in Episcopali hac

specula salutis humanae affertor, destinante

cuius Sanctis, Vicarie, collocauit, nihil inten-

sus optauimus, quam ex habitis visitationibus

tum locorum, tum Personarum Nostrae directioni commis-

sarum viam aperire Synodali Conuentui, quo iuxta sacra-

rum Constitutionum, Conciliorum generalium, & praeci-

pue Tridentini vota, & mandata convenientes in vnum

consideremus vias nostras, & conuertamus pedes nostros,

& prauam directam, & asperam in vias planas. Vos, dilectis-

simi, elegit, qui segregatus à peccatoribus, & excelsior

Caelis factus, operis sui Vicarios vsq; ad vndecimam horam

mittit Operarios in Vineam, ibiq; voluit lucere lucem no-

stram coram hominibus, vt videant opera nostra bona, &

glorificent Patrem. Vestrum est Orationibus, & obsecra-

tionibus instare nocte, ac die, vt meditata Diocesana sel-

sione ardor Spiritus non tepescat, & corda nostra suble-

uentur, vt, quae agenda sunt, videant, & ad implenda,

quae videntur, conualescant.

Ritui igitur laudabili Praedecessorum nostrorum haeren-

tes, omnibus, & singulis Dignitatibus, Canonicis, Praeben-

darijs, Parochis, siue Titulatis, siue Merconarijs quarum-

cunq; Parochialium etiam Regularium, necnon omnibus

quolibet Ecclesiastico titulo Beneficiatis, & etiam simpli-

cibus Sacerdotibus intimamus nostram futuram Diocesa-

nam

nam Synodum in Cathedrali Ecclesia die decima septima mensis Maii proximi, quæ erit feria II. subsequens Dominicam quartam post Pascha summo mane aperiendam, & duabus vel tribus, ad arbitrium nostrum sessionibus absolvendam, ad quam omnes, & singuli prædicti personaliter accedere in habitu talari, clericali bireto, mundo superpelliceo, ac decenti tonsura, Dignitates vero, & Canonici, ac Præbendarii cum eorum Ecclesiasticis insignibus, teneantur, relicto à Parochis vnico Sacerdote simplici, sed idoneo, pro necessaria Sacramentorum administratione in qualibet Parochiali, durante Synodo; aliter contra absentes, & contumaces ad censuras, & penas iuxta Sacros Canones deuenimus.

Vt autem dirigantur viæ nostræ in beneplacito Domini, & affulgeat lux ex alto, præcipimus omnibus Parochialium Rectoribus, quatenus in tribus proximis diebus Dominicis ante prædictam diem decimam septimam Maii inter Missarum solemnita denuntient populo Synodi apertionem, & singulos excitent ad multiplicanda pietatis opera, Orationum, Eleemosynarum, & Sacramentorum frequentiam, ad impetrandam eam opem, qua indigemus ad mores emendandos, Ecclesiasticæ disciplinæ neruum roborandum, sanctas leges incuria, vel tempore antiquatas restituendas, & tandem ad dirigendos pedes nostros in viam pacis.

Dat. in Episc. Nostro Palatio hac die 8. Martii 1688.

§ MARCVS ANTONIVS EPISC. CREMEN.

Tiburtius Cauaneus Canc. Episc.

1688. Die 9. Martij. Retulit Ioannes Bellonus publ. Episcopalis Curia Crema Nuntius, &c. hoc mane de mandato, &c. affixisse, & affixas reliquisse similes copias præsentis editi tum palatii Cathedralis, tum Episcopalis Palatii huius Civitatis, & ita, &c.

MAR.

17

**MARCVS ANTONIVS ZOLLIVS**  
**Dei, & Sanctæ Sedis Apostolicæ Gratia**  
**Episcopus Cremenfis .**

**V**niuersis, & singulis personis Ecclesiasticis, & præsertim Dignitatibus, Canonicis, Præbendarijs, Parochis siuè Titulatis, siuè Mercenarijs quarumcunq; Parochialium etiam Regularium, nec non omnibus quolibet Ecclesiastico titulo beneficiatis, & etiam simplicibus Sacerdotibus huius Ciuitatis, & Diœcesis notum facimus, quatenus, non valentes die 17. Maij currentis præfinita in nostro Edicto sub die 8. Martij currentis anni emanato, alijs detenti curis ad eam celebrandam accedere, eiusdem inchoationem, iustis de causis animum nostrum mouentibus, prorogamus ad diem 30. Augusti proximè futuri, nihil de eis, quæ in præfato edicto expressimus, immutantes. In quor. &c.

**Crementis ex Episc. Palat. nostro hac die 15. Maij 1688.**

**MARCVS ANTONIVS EPISC. CREMEN.**

Tiburtius Cauaneus Canc. Episc.

*Dicta die. Retulit Sebastianus Cerrus publicus Nuntius, Hodie de mandato, &c. affixisse & affixas reliquisse similes copias alteram valvis Cathedralis Crema, alteram antero Palatii Episcopalis.*

**C**

**MAR**

MARCUS ANTONIVS ZOLLIVS  
 Dei, & Sanctæ Sedis Apostolicæ Gratia  
 Episcopus Cremenfis.

**C**elebrationem Synodi per Nos ordinatam in  
 Edicto nostro locis solitis affixo die octavo  
 Martij effluxi, & prorogatam alio Edicto nostro ad  
 diem trigessimam Augusti cadentis, denuo alijs de-  
 tenti curis, & iustis de causis animum nostrum mo-  
 ventibus, prorogamus ad diem nonam Septembris  
 venturi. Vobis propterea omnibus, & singulis per-  
 sonis Ecclesiasticis, & præsertim Dignitatibus, Ca-  
 nonicis, Præbendarijs, Parochis siue Titulatis, siue  
 Mercenarijs, quarumcunque Parochialium etiam Re-  
 gularium, nec non omnibus quolibet Ecclesiastico  
 titulo Beneficiatis, ac etiam simplicibus Sacerdotibus  
 huius Ciuitatis, & Diocesis notam facimus proroga-  
 tionem celebrationis huiusmodi Synodi ad diem eam-  
 dem nonam Septembris venturi inchoandæ, nihil de  
 ijs, quæ in præfato Edicto nostro 8. Martij elapsi  
 expressimus, immutantes. In quorum, &c.

Cremæ ex Episc. Palatio nost. hac die 23. Aug. 1688.

✠ MARCVS ANTONIVS EPISC. CREMEN.

Tiburinus Cautianens Capcell. Episc.

*Die dicta 23. Augusti. Reuclit Philippus Cautianus Episcopalis  
 Curia Crema commisso, hodie de mandato, &c. affixisse, &  
 affixas reliquisse semiles copias, alteram valuis Ecclesia Ca-  
 thedralis, alteram autem ad valuas Palatii Episcopalis.*

D E.

# DECRETA.<sup>19</sup>

## *De Professione Fidei.*

### *Cap. I.*



VM in hac, quam Deo benè iuante, coegimus Synodum, eò tota nostri consilii ratio spectet, vt stabilem spiritualis ædificii molem, vel statuamus, vel potius olim statutam, & aliqua ex parte hominum obliuione, temporisue iniurià labefactatam reparemus, iure ac meritò nostrarum constitutionum exordium à Fidei professione duximus sumendum; Ipsa enim vna est æternæ fundamentum salutis, & radix secunda, ex qua cæterarum egerminant nè dùm semina, sed etiam incrementa virtutum. Corruat enim necesse est domus, si fundamenta non habeat: emori virtutes contingit, si viuificos à radice fructus haustu salutari non attrahant. Idcirco vestigiis Concil. Trid., aliisque summorum Pontificum constitutionibus omninò inherentes præcipimus, vt Fidei professionem emittant.

Omnes, & singuli Clerici obtinentes Ecclesiastica beneficia, quibus est animarum cura adnexa, Præpositi, Archipresbyteri, Priores, Rectores, seu quouis alio nomine nuncupentur saltem infrà duos menses à die adeptæ Professionis; alioquin meminerint absq; vlla hominis declaratione fructus suos non facere, nec illis pacificam possessionem suffragari. Promoti verò ad Canonicatus, aut Dignitates Ecclesiæ Cathedralis idem præstare teneantur ne dùm coràm Nobis, aut Vic. nostro, sed etiam coràm Capitulo.

C 2. . . . . Eius-

Eiusdem Fidei professionem emittant in manibus nostris, vel Vicarij nostri Generalis ludi magistri etiamſi, vel prima grammatices rudimenta pueris enucleent, & etiam ſi muſicam doceant ſolas puellas.

## *De Doctrina Chriſtiana.*

### *Cap. II.*

**P**ARVULOS, quos Spiritu Sancto ſœcra mater ab utero edidit Chriſto filios Eccleſia, lacte doctrinæ nutriri opus eſſe nemo non videt, vt Fidei rudimentis imbuti pietati ſimul, ac religioni adoleſcant, & euntes de virtute in virtutem, tandè quæ erant paruuli, euacuare ſatagant. Imitati itaque Paſtores animarum Dium Paulum, qui ſe fidelibus ſuis lac dediſſe ſatetur, ſingulis diebus Dominicis, & feſtis de præcepto ſtatim à prandio, hora Veſperarum præuentà, vel de manè poſt Miſſarum ſolemnia ( ſi id eis videbitur expedire ) dato peculiari Campanæ ſigno, & ruri ( in Vrbe enim iam de more eſt ) per vias Tintinnabulo etiam pulſato pueros, ac puellas ad Eccleſias conuocent in Doctrina Chriſtiana imbuendos, imo &, ſi opus fuerit, oſtiatim, & ſingulariter præcipuè reſugientes euocari ſtudeant; eoſque opportunè, ac importunè in omni tamen patientia, & Doctrina per horam ad minus in Dei timore, ac reuerentia, in debito erga Parentes obſequio, in rebus Fidei ſcitu præſertim neceſſarijs erudiant. Si quis verò Parochorum tam arctæ obligationis immemor, ſtatutis diebus Chriſtianam Doctrinam edocere nullo legitimo impedimento detentus neglexerit, mulctetur pro prima vice pœna pecuniaria vnus Scuti Veneti, quæ deindè applicabitur ad coemenda præmia in Scholis Doctrinæ Chriſtiænæ pueris, ſiue puellis benè diſcentibus elargienda. Si uerò negligentia fuerit maior, maiori quoque pœna in eundem animaduertetur.

Yr.



Vt verò ardens Parochorum desiderium in re tanta promouenda nulla ex parte retardetur: Clericis omnibus enixè præcipimus, vt ijsdem præsto sint, certò scientes ad altiores ordines se non esse promouendos, nisi Parochi attestantis de sedula in huiusmodi exercitatione opera præstita fidem exhibeant iurata. Sacerdotes pariter quantum in Christo possumus hortamur, vt in re tam salutari Parochos adiuuare non dedignentur. Ignorare enim eos turpe esset, munus docendi populos se tunc suscepisse, cum sacris Diaconatus, & Præsbyteratus ordinibus insigniti fuere, vt videre est in Concil. Trident. *sess. 23. cap. 14. de reform.*

Atque vt tantum negotij quacunque ratione promoveatur, non desinant Parochi sæpius admonere Parentes, Paternos, & reliquos, quibus puerorum cura commissa est, vt eos Doctrinæ Christianæ institutis informari quàm diligentissimè curent, atque ea de re ad Ecclesias tempore opportuno mittant; nec non consimilem obligationem Dominorum erga famulos acriùs insinuent: quod idem à Confessariis tam Sæcularibus, quàm Regularibus occasione Sacramentalis Confessionis sedulò præstetur; eosque penitentes, de quorum ignorantia circa res Fidei probabiliter dubitant, singulariter interrogent, nùm sciant Orationem Dominicam, Salutationem Angelicam, Symbolum Fidei, Præcepta Dei, & Ecclesiæ, & primaria Sanctissimæ Fidei mysteria? Quòd si (vtinam non cadat) reppererint prædicta ignorare, grauius increpent, leniter tamen monendo, vt Doctrinam Christianam, in quibus Ecclesiis habetur, frequentent, quo processu temporis præcipua nostræ Fidei capita, vel saltèm eorum substantiam mente retineant, & si opus fuerit, id loco Penitentiae illis imponatur. Si verò in sequentibus confessionibus illa non edidicisse propria culpa cognouerint, vel aliquam ad id negotij diligentiam non adhibuisse, quia iam adulta

ma-

maturos ætate, vel etiam senio confectos eos pudeat huiusmodi onus subire, ad Sacramentalem Confessionem non admittant, vel potiùs absolutionem iis differant, donec certo præfinito tempore aliquid de rebus Fidei, didicisse compererint.

Meminerint insuper Parochi eos, qui, vt suprà recensuimus, essentialia Fidei Catholicæ capita ignorant, nō admittere, neq; ad officium Patrini in Baptismi, seu Confirmationis Sacramento, nec ad Matrimonium contrahendum.

Excitari autem à Parochis animas sibi concreditas ad huiusmodi opus alacriùs peragendum volumus, ter saltem in anno, singulis quaternis mensibus elapsis, indulgentiarum, quæ à Summis Pontificibus eiusdem Doctrinæ Christianæ sodalitati fuerunt concessæ, seriem promulgando.

Admonemus pariter ludi literarum Magistros, vt discipulis suis, quos bonis artibus instituunt, aliquid semper de rebus Fidei enucleare satagant, vt Dei timorem vnicum literis percipiant.

## *De Prædicatione Verbi Dei.*

### *Cap. III.*

**N**ON in solo pane hominem vivere, sed in omni verbo, quod procedit de ore Dei, missa è Cælo Sapientia Patris testatur; nulla igitur maior adhibenda est cura ab iis, quos Christus Dominus Doctores, & veluti æternitatis Satores in Ecclesiâ constituit, nempe Parochis, quàm vt Populos sibi commissos verbo Dei pascant, atque erudiant, nè grandi suo malo eueniat, vt paruuli petant panem, & non sit, qui eis frangat. Idcirco salubre Concil. Trid. præceptum adimplentes singulis diebus Dominicis, & Festis inter Missarum solemnities aliquid

ex prædicti Euangelii verbis depromant, quod ouibus suis pro sua, & eorum capacitate explicent, docentes vitia, quæ eos declinare, & virtutes, quas eos sectari oporteat, cum breuitate, ac facilitate sermonis, & vernacula etiam, quo ad fieri poterit, lingua; eorumque auribus turpitudinem peccati, horrendum Dei iudicium, Inferniq; pœnas sæpiùs inculcent. Edoceant quomodò ab illis Sacramentalis confessio instituenda sit: quod examen: qui dolor: quænam propositi ratio habenda, occasioneq; peccandi proxima quomodò penitus euellendæ sint, vt salutare Sacramenti fructus consequantur. Explicent insuper aliquid, quemadmodum Concil. Trid. præcipit, de almo Missæ sacrificio, relictis subtilioribus quæstionibus, ad quarum cognitionem rudes animi nequeunt assurgere.

Et quoniam nemo nisi mittatur, prædicationis onus subire debet, districtè iubemus Parochis, ne quempiam Sacerdotem siue Sæcularem, siue Regularem in suis Ecclesiis concionari permittant, sine nostra, aut Vicarii nostri Generalis licentia in scriptis exhibenda.

*De Fæstorum obseruantia,  
Ecclesiarumq; reuerentia, & cultu.*

*Cap. IV.*

**Q**uoniam, teste Apostolo, corde creditur ad iustitiam, ore autem confessio fit ad salutem: Deus ille, qui intimis hominum mentibus tam verus, quàm præsens per fidem inhabitat, exteriori quoque, ac publico cultu adorandus est, quapropter festi quidam instituti sunt dies, quos pietati, ac religioni dicatos, remotis humanarum rerum curis, in vnius Dei omnipotentis gloriam peragi debere ius naturale, ac diuinum conelamant. Ijs etenim diebus nos autem memoriam mysteriorum nostræ Redemptionis, aut

aut victoriam illorum, qui triumphato mundo in cælis cum Christo regnant, recolentes diuinæ bonitati, ac potentiæ gratias, ac laudes, sanctisq; meritum hõnorem solemniter, & piè tribuimus. Nè igitur aliqui velut publici religionis violatores tempus cælestium contemplationi aptissimum, comestationibus, ludis, aut aliis seruilibus operibus terant: hæc Parochi sedulo fideles suos moneant videlicet:

¶ Vt officinæ quorumcunque mercatorum, atq; artificum tempore Missæ solemnis, & Vesperarum ex toto claudantur: reliquo autem die illas dumtaxat, in quibus aliquid ad victum diurnum necessarium vendendum est, apertas, (non tamèn, nisi ostiolo recluso) remanere permittimus.

¶ Et quia auaritia, quæ idolorum est seruitus, quàm maxime ad festa violanda inducit, fidelium auribus sæpius ingeminent, quàm graue committatur scelus ab iis, qui nullo Dei, legumque metu perstricti dies sanctificandos violare non verentur cupiditate lucri; neglecto, quod vnice curandum est, suarum lucro in æternum mansuro animarum.

Dum Missa celebratur, aut dum Officia diuina, sacra concio, Doctrina Christiana, vel quæcunque alia Ecclesiastica functio peragitur, nulli in Ecclesia, vel propè, strepitus, clamores, obambulationes, aut importunæ confabulationes permittantur; cantilenæ, instrumentorum concentus, circulatorum ineptiæ, lususque prorsus eliminentur.

¶ Detestabilis quædam in hac nostra Diocesi consuetudo irrepsit, vt diebus Dominicis, & Festis, quibus præsertim dies Dedicationis, aut Titulus Ecclesiæ agitur, puellas nuptui dandas è domo ad Ecclesiam progredientes allosient Amasij, longa iuuenum stipante cæterua, plectrisque modulantibus, easq; simulac egressas è templo consimili Diaboli pompa domum reducant; quo fit, vt inter procas iurgia, & rixæ nascantur; ad arma plerumq; discurratur, & cædes. Quà propter ad prouidam Parochi solertiam spectabit huiusmodi

iusmodi corruptelas de medio tollere à Nobis sub pena  
interdicti latae sententiae Nobis reseruati prohibitas.

Quo pariter die agitur in nostra Diœcesi Titulus Paro-  
chialis Ecclesiae per Nos Decretis prædecessorum nostro-  
rum inherentes, choreas, & tripudiorum saltationes pro-  
hibitas esse Parochi denuncient; alijs verò diebus Festis,  
qui ex Ecclesiae præcepto, vel Populi voto, vel consuetu-  
dine coluntur choreas siue publicas, siue priuatas sepius  
redarguant Parochi, enumerando mala ab illis enascen-  
tia; quorum vberissimam materiam suppeditabit aureus  
ille liber P. Pauli Sègneri inscriptus *il Cristiano istruito  
nella sua legge*, qui continuo esset Parochorum manibus  
terendus, cum sit rerum, atq; argumentorum ad salutem  
animarum spectantium locupletissimus.

Moneant quoque Parochi Diœcesani plebes sibi commis-  
sas, vt dictis diebus, quibus vt supra diximus agitur Titu-  
lus, &c. nimium ciborum apparatus non sollicitent, neq;  
vino se ingurgitent: Regnum quippe Dei, vt testatur Apo-  
stolus, non esca est, neq; potus, sed iustitia, & pax, & gau-  
dium in Spiritu Sancto. Et valdè absurdum est (sententia  
D. Hieronymi) saturitate velle honorare Martyrem, quem  
scimus Deo placuisse ieiunijs, quin potius illorum gesta-  
eurent imitari in terris, quos Patronos mercantur ha-  
bere in Cælis.

Festi itaque dies, vt ritè obseruentur à fidelibus, integro  
Missæ sacrificio in Parochiali quo ad fieri poterit Ecclesia  
opportuno tempore à Parochis celebrandæ deupta, ac re-  
uerenti attentione intersint; vtque liberi, & famuli id fa-  
ciant, curent, nec non vt Dei verbum ibidem audiant, ac  
præcipuè Doctrinam Christianam frequentando ediscant.  
Neque illud ignorent, quod si quis, & præsertim feminae  
iuniores, quæ vt se comptius excolant, aut exornent dictis  
diebus dato vltimo signo Missæ differunt Ecclesiam petere,  
cum id ex negligentia fiat, si finita Epistola, ceptoque iam

D

Euan-

Euangelio, ad eandem Ecclesiam abefferint; se grauis  
pœnæ reas facere.

Nullum opus seruite Festis diebus in Ciuitate, nisi Nos;  
aut Vicarius noster consulatur; publicè liceat exerceri:  
tempore autem recollectionis fructuum, messis, vendo-  
miarum; aut quodcumque simile opus fieri necessitas  
exigit, in Diœcesi consulantur Parochi; qui pro pruden-  
tia, & conscientia sua, quam in hoc grauitèr oneramus,  
gratis licentiam petentibus concedant: teneant tamen nè  
tam facilè, nisi ex urgentibus causis huiusmodi licentiam  
relaxent; cum diuina à rebus sacris digressio sic fiat, & à  
plerisque obtemperanti necessitatis lucri negotium peragatur.  
Curent quoque Parochi pro viribus, ne Populi tempore  
Diuinorum Officiorum ad caluponas diuertant; aut ad alia  
loca taxillis, & aleis operam daturi, vel colludentes inspe-  
cturi; hæc enim ratione non tantum suæ; sed & aliorum  
animæ damnum, & perniciem afferunt exitialem.

Nemo in Ecclesiam, Domum scilicet pacifici Salomonis  
hastilia, sclopos, aut alia id genus arma deferat: nullus,  
dum diuina celebrantur, in ea deambulet; nulli risus, aut  
strepitus excitentur; mutuos nemo sermones cum alijs  
misceat; non circulos habeat, non profanum negotium  
agat, nec à Sanctissimo Sacramento auersus sedeat, vel ir-  
reuerenter stet: Præsidet enim templis Diuinum Numen,  
& quamuis domus suæ, quam decet sanctitudo, contemp-  
tores longanimi dissimulatione diu patiatur, tarditatem  
tamen supplicij grauiori animaduersione compensat.

Non grana, non linum, aut quiduis aliud eo congerian-  
tur, sed quodcumque ex largientiū pietate ibi fuerit col-  
lectum, intra eandem diem aliò asportetur, nec propè eam  
permittantur manere vendentes dulcioria, fructus, aut  
quid huiusmodi; nullæque subhastationes, etiam si fuerint  
de rebus ex eleemosinis collectis, fiant.

Ipsæ Ecclesiarum fores sub occasum solis omninò clau-  
dan.

dantur, & sub auroram aperiuntur: omnes verò fenestras vitreis specularibus, aut saltèm cerata tela ita obferuntur, ut omnis pluuiæ, & ventis aditus obstruatur. Octavo quoq; die pavimentum veitratur, & aranearum telæ detrahantur, neque tempore voris hirundines permittantur inibi nidos ponere. Sacra supellex niteat.

## *De Sacramentis in genere.*

### *Cap. V.*

**S**ANCTISSIMA nouæ legis Sacramenta diuini scilicet illius Samaritani medelas, quibus faucij hominis vulnera à latronibus inflicta certò curantur, eundemque semiuuium integræ restituunt sanitati, polluto ore conficere, sedisque manibus arrectari grande nefas: Illa igitur administraturi secum tacitè videant, nùm aliqua læthalis culpæ labes eorum animis turpiter insideat, quod si (utinam nunquam contingat) alicuius graui sceleris reatu conscientiam repperint maculatam, eam Sacramentali Confessione præmissa, vel saltèm contritione, si facultas Confessarij deest, & ministrandi Sacramenti necessitas urgeat, quanto citius expiàre studeant, ne dùm cæteris prodesse laborant, sibi ipsi noceant, & ea instrumenta, per quæ gratia Dei aut incipit, aut cepta augetur, aut amissa reparatur, in administrantis exitium transeant sempiternum.

Claves, quibus Sacramenta, & Sacramentis inserviientia obserantur sollicitè Parochi ipsi custodiant, ea præter extremam Vnctionem extra Ecclesiam, nisi gravis necessitas aliud postulet, nunquam conferant. Ritus rùm intrinsecos, tum extrinsecos in illis conficiendis, aut administrandis ab Ecclesia adhiberi solitos perpetuò retineant, eorumque vim, & efficientiam, salutareque usus cum sin-

gula quæq; Sacramenta administrari contigerit; vulgari; ac plano sermone; qui etiam à rudibus percipi possit; explanare non desinant. Cum domo euocantur quacunque diei; vel noctis hora ad illa administranda; præsto sint; hilarique vultu; ac prompto animo accedant; illudque fidelium auribus crebrò inculcent; vt ad Sacramenta suscipienda accedentes puritatem non modò; atque animæ nitorem afferant; sed exteriori etiam corporis habitu; ac gestu humilitatem; ac reuerentiam tantis rebus præferant.

Hortentur pariter mulieres; vt modesto; humilique ornatu frequentent hæc diuina; & cælestia munera; quæ clementissimus Dominus ad communem omnium salutem pro sua erga genus humanum ineffabili charitate reliquit.

## De Baptismo.

### Cap. VI.

**V**ltio protoplasti hominis omnes nascimur filij iræ; verùm singulari; ac præcæso Christi testamento nostri beneficio; qui viuificæ suæ carnis tactu lordanis aquas in salutem Baptismi sum consecrauit; renascimur per lauacrum regenerationis in vitam melioris usum participes gratiæ filij Dei; ipsiusque hæredes; coheredes autem Christi. Cum igitur nemini ad cælestia regna aditus pateat; cuius originariam labem hæc salutaris vnda non absterferit; infantibus; quos propter ætatis imbecillitatem innumera propè pericula manent; decernimus; vt ultra octauum diem eorum Baptismus non differatur sub excommunicationis maioris pena ab ijs incurrenda; qui huic nostræ voluntatis decreto parere vel neglexerint; vel contempserint.

Qui imminenti vitæ periculo infans fuit domi aqua salutari



tari ablutus sub debita verborum forma; de qua plenè Parocho constet, si postea superuiuens, deferatur ad Ecclesiam noua non iterum fiat sacri fontis ablutio sub adiecta conditione, siuè mente concepta, siuè verbis expressa: *Si non est baptizatus &c.* Sed solum reliquæ cæremoniæ adhibeantur: si autem dubium foret, an infans ritè baptizatus dõmi fuerit, tunc eam sub dicta conditione baptizare licebit, exprimendo totam facti seriem in libro Baptismorum, ad hoc, vt distinguatur cognatio spiritualis à Cathecismo.

Et quoniam qui Baptismum in casu necessitatis administrant, plerumque sunt Fæminæ, quæ puerperis obstetricantur, & vulgato nomine vocantur Commatres, Parochi partes erunt has sedulo annis singulis examinare, an Baptismi formam, aliaque necessaria ad baptizandum benè noverint, & memoria retineant, ne in re tanti momenti contingat errare.

Ad susceptoris vulgo Patrini munus non admittantur, quos constat eo anno, neque Confessionis, neque Eucharistiæ Sacramenta in Paschatè sumpsisse, quique Symbolum, Orationem Dominicam, Salutationem Angelicam, & Decalogum, & præcipuè Fidei mysteria mente non tenent.

Regulares quoscunque, ac Ecclesiasticas personas, etiam si sint in minoribus tantum constituti, nisi habita à Nobis, vel à Vicario nostro in scriptis licentia: Pueros pariter, qui nundum annum decimum quartum, & Puellas, quæ annum duodecimum non expleuerint, ab huiusmodi munere prorsus excludimus.



## *De Sacramento Confirmationis.*

### *Cap. VII.*

**A**postolos Diuina quamuis esca saginatos, & crebris sermonibus ad tolerandas pro Dei gloria passionēs erectos, non ideo beneficentissimus Dominus passus est in publicum prodire diuini nominis assertores, & euangelicæ veritatis tubas, sed iussit eos in Ciuitate manere, donec induerentur virtute ex alto; quo scilicet facto dilectam sponsam suam Ecclesiam edocuit fideles suos, qui renati iam sunt ex aqua, & Spiritu Sancto, oportere Sacramento Confirmationis muniri, vt Fides in Baptismate infusa maximo gratiæ incremento ad confessionem Diuini nominis acrius incalescat. Vigitur quæ par est diligentia, debitique ritibus Sacramentum hoc suscipiatur, vbi primum Parochi ex nostris circularibus litteris quando, & vbi hoc Sacramentum à Nobis administrandum erit, acceperint, plebes sibi subiectas instruunt de natura, vi, ac excellentiâ, fructibusque huius Sacramenti, vt omnes intelligant non modò illud negligendum non esse, aut nimis differendum, quin immò ardentissimis votis expetendum, cum plene christianus tunc dici queat is, in quem ex Episcopali confirmatione diuini se infuderit Spiritus plenitudo; & quos Parochi vel de tantæ Sacramenti ætate prorsus planè ignaros, vel ad vberiores diuinæ gratiæ fructus percipientes penitus imparatos repererint, ad huiusmodi Sacramentum non admittant.

Quemadmodum Pueri octenis minores ab hoc Sacramento suscipiendo arctendi erunt, sic reliqui prouectioris ætatis, qui hoc volunt Sacramento roborari, admonendi erunt, vt Sacramentalem Confessionem præmittant, nè diuinæ gratiæ per illud conferendæ impedimentum obtrudant.

Pa-

Patrini sint tantum unus, vel una, mas scilicet marem; femina feminam suscipientes, ique tam sacro Confirmationis caractere sint insigniti, neque citra urgentem necessitatem adhibeantur, qui eiusdem, quem in confirmatione suscipiunt, fuerint in Baptismo sponsores. Neque plures quam duos eadem die, nisi Episcopi dispensatio accedat, suscipere præsumant.

Confirmatorum nomina, & agnomina, eorumque Parentum, nec non Compatrum, & Commatrum, dilectique quo per Nos hoc Sacramentum dispensatum fuerit, in unum librum scripta redigantur, ut expeditius spiritualis cognatio detegatur.

## *De Sanctissimo Sacramento Eucharistia.*

### *Cap. VIII.*

**M**ertus super turbam diuinus amor panibus celesti benedictione ad miraculum auctis eam plenius satiauit, ne ieiuna deficeret in via: hoc quod aliquando ipse in terris degens effecisse legitur, per legitimos Ecclesiæ ministros, si non oculis corporis, at certe acie mentis Fidei radijs illustrata quotidie fieri videmus. Augustissimum enim Eucharistiæ Sacramentum, quod ipse diuinæ largitatis auctor discessurus ex hoc mundo ad Patrem in vltima Cæna Discipulis ante Passionem distribuit, quotidie per os Sacerdotum instaurare non desinit in dulce epulum animarum, in humanæ robur infirmitatis, in miseræ huius peregrinationis Spirituale Viaticum, eoq; nos tamquam membra arctissimo Fidei, Spei, & Charitatis nexu sibi voluit copulari. Ut igitur, quæ ad tanti Sacramenti cultum, & reuerentiam necessaria sunt, obseruentur, hæc quæ sequuntur ingi studio curanda erunt.

*Ante*

Antè illud lampas affiduò accensa dependeat oleo ex baccis oliuarum expresso enutrita, quæ ubi Parochi, vel alterius, cui id curæ incumbit, incuria, malitiaue extinguita aliquandò comperiat, ex Visitatione Apostolica teneatur delinquens soluere in singulas vices duas libras vnâ fraternitati Sanctissimi Sacramenti alteram accusatori applicandas.

Nunquam ad populi adorationem in Ecclesijs siuè Sæcularibus, siuè Regularibus exponatur, nisi à Nobis, vel à Vicario nostro impetrata licentia. Licet tamen ad vini imbrium coercendam, & ad grandines, tempestatesque propulsandas in Ecclesijs Parochialibus, & ad Orationem pro grauer ægrotantibus pandere tabernaculi ostiolum, quo Pyxis Sacramentum continens à consuecente in Ecclesiam populo videatur, & adoretur.

Tres saltèm particule consecratæ semper asseruentur, & hyeme quintodecimo quoque die, æstiuo verò tempore singulis quibusque octo diebus renouentur. Tabernaculi ostiolum argentea clauis, quod in plerisque locis factum in nostra Visitatione vidimus, vel saltèm deaurata, & funiculo olosferico appensa claudatur.

Quoties ad ægros eam deferri vsu venerit, reuersus ad Ecclesiam Parochus, antequam Sacramento populo benedicat, indulgentias à Summis Pontificibus concessas eidem populo genuflexo euulget, vt ex spiritali lucro ad associandam Eucharistiam studiosius exardescat.

Admoneantur feminae, vt vestibus ad modestiam compositis, cultuque corporis rei, quam aggrediuntur, congruo ad sacram Synaxim accedant.

Nullus in Paschate extrâ propriam Parochiam sine nostra, aut proprij Parochi facultate Eucharistiam sumat.

Omnes Canonici, Presbyteri, & Clerici in quibuscumque Ecclesijs existentes feriâ quinta in Cœna Domini in Missa solemnî communicent, exceptis ijs, qui sacrum eo die facere tenentur.

Euo.

Euoluto à die Paschatis mense, deferant ad Nos Parochi eos, qui præcepto annuæ Communionis satisfacere neglexerunt; vt opportunis, pro vt in Domino expedire videbitur remedijs eorum negligentia occurramus.

Pueros, ac Puellas cum ad id ætatis peruenire Parochi videbunt, vt diudicantes Corpus Domini piam, ac religiosam animi propensionem ad illud sumendum afferre posse videantur, sedulo examinatos, & in rebus Fidei benè imbutos non die ipsa Paschatis, sed aliqua alia infra octauam Paschatis statuta ad Communionem admittant, sicut nouellas oliuarum in circuitu mensæ Domini.

Ægrotis etiam in Paschate communio afferatur, & admittretur, quorum incolumitatis ad viginti circum circa dies recuperanda probabilis spes non affulgeat.

Cum ad orationem pro ægrotis Regulares in suis Ecclesijs exponunt Eucharistiam, id ne faciant ostensorio adhiberi consueto, quando solemni ritu exponitur, sed ex ciborio, seu Pyxide, quæ tamen ab ostio Tabernaculi non extrahatur.

Dum Eucharistia publico apparatu populis exponitur adoranda, nullus nisi superpelliceo mundo, aut saltem sacco indutus, accedat siue ad accendenda lumina, siue purganda, siue aliquid huiusmodi opus peragendum.

## *De Sacrificio Missæ.*

### *Cap. IX.*

**S**upremus rerum omnium parens, & auctor Deus, cui legalium differentiam hostiarum vnus placuit perfectione Sacrificij sancire, visibile, quemadmodum hominum natura exigebat, sacrificium nobis reliquit, quo non tantum cultum, & laudes eidem debitas exhiberemus, gratias pro acceptis beneficiis ageremus, memoriam

**E**

**sacra-**

sacratissima suae recoleremus passionis, sed etiam immolatione eius munda, quae nulla offerentium indignitate, aut malitia inquinetur, fideles omnes adhuc viuentes gratiam, & misericordiae donum impetrando, admissorum scelerum veniam obtinerent, & animae Defunctorum in Domino nundum ad plenum expurgatae expiarentur. Cum igitur tremenda haec mysteria, omni ablegata sordidi quastus labes, omni que procul amota negligentia, & irreuerentia, manibus sine ministrorum impollutis tractanda.

Volumus singulos Sacerdotes semel saltem in hebdomada peccata sua confiteri: & saltem diebus Dominicis, & Festis celebrare debere.

Sub pena suspensionis ipso facto incurrenda nullus Sacerdos in Urbe ad celebrandum accedat, non indutus veste talari. Vestes autem talaribus breviores, sub eadem pena transversis, quas vocant, seu guarnachis, suppleri volumus.

Extra Urbem Celebrantibus permittimus ut veste infragenua bene demissa, quae medium crus attingat, quamque zona modeste praecingat, nisi itineris causa, vel brevis mora excuset, neque sit eius generis, quae vulgo dicitur *varfina*, *vestina*, aut *giulacure*. Parochi tamen in propriis Ecclesiis die Dominico, & Festis celebrantes, sicut & in ceteris functionibus Ecclesiasticis dictis diebus a se peragendis talaribus vestibus, ut supra, non alio vestium genere supplendis, sub eadem pena semper utantur, dempta communione ad infirmos deferenda. Idem quoque sub eadem pena observari volumus à Capellanis Diocesanis, quoties celebrant in Ecclesia Parochiali, vel in ea, in qua onus celebrandi Missam dictis diebus Dominicis, & Festis suscipiunt.

Iniungimus omnibus celebraturis Sacerdotibus, & maxime sacras vestes indutis, vel in sacratio silentium observent, neque deambulationibus, aut confabulationibus,

— 11001

— 11

alie.

alienisque à re sacra sermonibus operam dent; sed ante  
sacrum pias ad Deum preces effundant, aut diuina medi-  
tentur, totaq; sint mente defixi in mysterio mox à se per-  
agendo: si quis verò ratione dignitatis annulum gestat, il-  
lum in Missæ sacrificio deponat.

Pateat in summo vertice celebrantis corona, pilique à  
superiori labro ita prædantur, vt sumptionem Sacratif-  
simi Sanguinis non impediunt; & ad Altare progrediens,  
oculis in terram defixis, non concitatè, sed lentè, & graui-  
ter incedat, nec prius missam incipiat, quàm Clericus mi-  
nister genua flexerit. Verba non cursim, aut detruncatè  
pronunciet, neque ad Introitum, & ad Kyrle ipse prius  
alterum versiculum, siue verbum inchoet, quàm minister  
respondens inchoatum absoluerit; caueatque vt quæ sub-  
missa voce pronuntianda sunt, elata non proferat, præser-  
tim si sint verba consecrationis: Quidquid verò elata voce  
pronunciandum est, clarè adeò, & distinctè pronunciet, vt  
vox audientium aures impleat, non tamen sit importuna,  
maximè si quis alius in viciniore altari concelebrat.

Missæ celebratio, nè angustius tertia parte horæ contra-  
hatur, nè nimium properando aliqua verborum, vel ri-  
tuum mutilatio enascatur.

Missæ peracta, Sacerdos in Sacrarium reuersus, exutisq;  
vestibus, nè statim abeat, sed orationi per congruens tem-  
poris spatium vacet, sacri mysterij veneranda commercia,  
quæ sumpsit, iugiter contemplando; alienum enim est à  
pietate, labia Sacerdotis tremendo adhuc sanguine Filij  
Dei rubentia sermonibus non sacris, vtinam etiam non lu-  
dicris, commisceri.

Quo tempore sacrum habetur, non permittantur mendi-  
cantes Ecclesiam circumire, neque præexcesso huic sacri-  
ficio, qui interfunt, ita propè Altare accedere, vt Sacerdo-  
tem perturbent, sed ab eo distent ad duos saltem passus.

Mulieres moneantur, vt pueros suos domi custoditos re-

linquant, quos ad Ecclesiam delatos, dum Missæ sacrificium peragitur, ciulatus, atq; clamoribus obstrepere norunt; acriusque in eos Parochus succenseat, quibus cum locus adhuc in Ecclesia pateat, malunt præ foribus illius, aut etiam extrà fores manere sacrum audituri, vel mulieres egressuras attentius inibi inspecturi.

In quibus Parœtijs duæ, aut plures Missæ, siuè in vna, siuè in pluribus Ecclesijs diebus Dominicis, & Festis celebrantur, earum prima in ortu solis celebretur sub pœna vnius auri ab eo Sacerdote soluenda, qui huic decreto non paruerit. Parochialis verò Missa post duarum horarum spatium sequatur, vt populus possit esse expeditior ad audienda salutis monita ab ore Parochi. Si adhuc reliquæ supersint, celebrentur post Parochialem.

Si feriato die celebret Sacerdos, Missæ stipendium sit ad summam solidorum triginta monetæ Cremonensis, si die Dominico, & Festis solidorum quadraginta; vbi tamen pinguior ex legantium pietate statuatur eleemosina, sciât Sacerdos, cui Missæ celebrandæ traduntur, non sibi licere per alium satisfacere, collato illi minore stipendio, alia parte stipendij sibi retenta; est enim opinio damnata à Sacra Romana, & vniuersali Inquisitione.

Alienæ Diœcesis Sacerdos siuè Sæcularis, siuè Regularis, nisi planè cognitus, atque perspectus sit, non admittatur vltra vnâ vicem ad celebrationem Missæ, nisi literas testimoniales à suo Ordinario subscriptas, & sigillo munitas exhibeat; Si verò vltra vnâ vicem voluerit celebrare, facultatem à Nobis, seu Vicario Nostro recententer obtentam in scriptis exhibeat siuè Parocho, siuè illi Sacerdoti, cui Sacrarij cura incumbit.

Adsit in sacratio liber, in quo Missas à se celebratas noceat Sacerdotes, indicando dies singulos, quibus celebrauerint, & pro quibus applicauerint.

Nullus Sacerdos in Ecclesijs Monialium celebret sine  
Nostra



Nostra in scriptis habita licentia.

Hortamur Regulares, vt in suis Ecclesijs nulli Sacerdoti Sæculari non Diocesano permittant sacrum facere, nisi ille antea Nostram licentiam literis commendatam, & nostra vel Vicarii nostri subscriptione munitam exhibuerint.

## *De Sacramento Pœnitentiæ.*

### *Cap. X.*

**I**nfirmi-<sup>tas</sup> humanæ cœlestis medicus benè memor, & nostri figmentum ab adolescentia in malum prouersum, & ætissimus cognitor, hominis post Baptismum lapsi sedatam imaginem primæque volens restituere venustati, eam suo sanguine lauit, & agro sceleribus cordi saluberrimam ex immensa sua misericordia adhibens medicinam, Sacramentum Pœnitentiæ instituit, cuius vi animæ vulnera curantur, & nostrorum nexibus absoluti peccatorum vindicamur in libertatem filiorum Dei, deponentes veterem hominem cum actibus suis, vt mortui peccato iustitiæ viuamus. Ne igitur quod in animarum salutem feliciter institutum est, in earum perniciem cum suscipientium, cum administrantium ignorantia, aut malitia conuertatur, hæc feruentur.

Parochi in suis Ecclesijs cuiusque Confessiones excipere possint, etiam si Paroetianus ipsorum non sit, in aliorum verò Ecclesijs nulli confitenti aurem præbeant, nisi data sibi facultate à Parochis illarum Ecclesiarum; Capellani verò, quibus facultas administrandi Sacramentum Pœnitentiæ in hac nostra Diocesi à Nobis, vel Vicario nostro fuit delegata, eiusdem facultatis fines nè minimum quidem excedant.

In sola sede Confessionalis conspicuo Ecclesiæ loco exposita mulierum Confessiones excipiat Parochus superpelli-

ceo mundo, & stola indutus, siue Sæcularis ille sit, siue Regularis, & hoc non ante ortum, aut post occasum Solis peragatur, easque ad crates dictæ sedis tantum admittat, nec unquam patiatur ad suos pedes abijci. Cum verò ijs ægrotantibus Sacramentum Pœnitentiæ opus erit domi administrari, siue diu, siue noctu, easdem audiat aperto cubi- culi ostio, vt conspici quidem, non tamen auscultari queat.

Quas comptius ornatas, nuda quoque pectore vel brachijs ad intuentium offensionem Confessarij cognouerint, eas efficacibus verbis increpabunt, & graue salutis æternæ amittendę, in quo versantur periculum ob oculos ponant: quæ si semel, atque iterum admonitæ Confessarij dictis parere noluerint, illis, prout spiritus, & prudentia sugesserit, beneficium absolutionis aut differant, aut etiam omninò negent, attenta semper scandali qualitate, quæ ex huius- modi ornatu poterit prouenire.

Et quia nonnunquam ad pedes Confessarij se abijciunt, qui restituendæ vel rei, vel famæ onere detinentur, Confessarii partes erunt, de sua obligatione pœnitentes eius- modi admonere: quorum pollicitationibus, vel sibi ipsi, vel alijs pluries factis, & semper effectu carentibus haud facillè credat, & nisi tunc ex circumstantiis certa spes faciendæ ab eis restitutionis affulserit, absolutionem tamdiu differat, quamdiu restitutione re ipsa peracta, illata dama- na compensauerint, modò, dum pœnitens confitetur, sit par soluendo, aut restituendo.

Cum verò aliquando restitutiones incertorum pœniten- tibus faciendæ incumbunt, eas nequaquam sibi, nec eius Ecclesiæ, vltatenus faciendas Confessarius insungat, sed pœnitentium arbitrio omninò relinquat.

Pœnitentem prudenter reiectum ab alio, & præsertim à proprio Parocho cautè admodum audiat Confessarius, ea- que vtatur diligentia, vt si possit ad Parochum remittat, sin minus non absoluat.

Com-

Complicem, aut participantem secundum in crimine carnali nullus Confessarius absoluat; quod si absolvere presumpserit, à munere Confessarii ex nunc prout nunc suspendimus, & suspensum declaramus vsque ad nostram beneplacitum voluntatis.

Nihil antiquius esse debet Confessariis, quam blandè, ac perhumaniter penitentes excipere: exceptos autem lenitati rigorem copulando, ita complectantur, ut scilicet nimia facilitas occasionem non præbeat delinquenti delinquendi, neque nimius rigor à Sacramento deterreat Penitentiam, quod non ira & vindicta, sed tribunal misericordiae esse debet.

Seruent pariter Confessarii modum in penis iniungendis, non sine habita ratione admissorum criminum, qualitatis personae, & incrementi doloris; ita ut re tota inspecta salutare, & congruas, & peccatorum redemptrices satisfactiones penitentibus imponant, lubricis continentiam, tenacibus largitatem, iracundis mansuetudinem, elatis præcipiendo humilitatem.

## *De Extrema Vnctione.*

### *Cap. XI.*

**L**icet demon miserè huius nostrae peregrinationis iter, quo ad Patriam pergitur, nunquam desinat oppugnare, nullo tamen tempore acius insurgit, omnemque versutiae suae nervos intendit vehementius quam cum supremum vitae diem appropinquare cognoscit. Quò circa misericors idemque Clementissimus Dominus opportuno nobis occurrit remedio, quo eius astus eludere, & aeternae salutis portum tuto appellere possimus, Sacramentum scilicet Extremae Vnctionis instituens, egri solatium, debilibus robur, culparum deletio præteritarum, deq; diuina iustitia timen-

timetibus firmissima spes; atque praesidium?

Caveant igitur Parochi, nè ipsorum negligentia aegroti sine hoc Sacramento à viuis excedant, quin immò pro pastoralis erga suas oves affectu, infirmas sapius inuisant, & ingrauescente vi morbi, cum cognouerint, eas periculosè decumbere, curent, vt ipsæmet Sacram Vnctionem vltrò deposcant, & sana adhuc mente, integrisque sensibus ad vberiores inde fructus ex Sacramento hauriendos tempestiue suscipiant.

Quo tempore Extrema Vnctio perficitur, vt maiori quæ deceat reuerentia conferatur, vasculum non Laici cuiusquam, sed Sacerdotis, vel Clerici manu teneatur, neque vnquam in ædibus infirmorum, qui inuncti, vel inungendi sunt, relinquatur: neque domi suæ Parochus illud asseruet, nisi grauis vrgeat alicuius infirmitas, & procul sit domus Parochialis ab Ecclesia.

Cum ædituus alio nomine Sacrista nostræ Cathedralis Sacra Olea dispensat, caueat, vt Sacerdotibus dumtaxat, siuè Clericis ordine sacro vel Diaconatus, siuè Subdiaconatus insignitis ea fidat.

Meminerint insuper Parochi hoc Sacramentum ministraturi vberès fructus, qui inde proficiscuntur, egrotantibus aperire, vt salutari eius vi percepta, vehementiori studio in illud ferantur. Neque expectent illud conferre, cum æger est sensibus propè destitutus; multòque minùs illud tam cito accelerent, dum æger periculo non graui vrgetur, vt ipsi deinceps molestiam euitent.



*De Funeralibus, & Exequijs.*

*Cap. XII.*

**M**ortuorum cadauera ; quæ in Domino quiescunt ; religioso quidem , licet lugubri apparatu ad sepulcrum prosequi , omnique studio eis iusta persolvere mos in Ecclesia inualuit semper laudandus . Si enim vel Barbaris gentibus hunc humanitatis sensum natura indidit , ut mortuorum funera summo pietatis officio deducant , cum tamen carnis resurrectionem non sperent , quanto magis Christiana charitas animos debet excitare fidelium , qui futuram carnis resurrectionem constanter tenent , ad misericordiae opera defunctis sedulo animabus impendenda , cum impensum eiusmodi officium sit etiam quodammodo eiusdem Fidei testimonium . Quæ ergo ad sepulturam , & funeralia pertinent , hoc ordine disponantur .

Statim ac aliquis è suis Paræctianis in fidelium communionem decesserit , Parochus curet publicum dari campanæ signum , quo audito fideles pro anima Defuncti preces Deo effundant .

Cum in omni officio pastoralis obeundo , tum præsertim in funeribus deducendis omnem quamvis leuissimam avaritiæ suspicionem fugere Parochos oportet . Itaque cum cadauer alicuius Ecclesiasticæ sepulture tradendum erit , ea sint cetera contenti , quæ à consanguineis , vel heredibus Defuncti exhibetur . Sciantque se grauitèr puniendos , si funeralium occasione sordidi quæstus mercimonia , & cuiuscunque exactiones ab ipsis fiant , vel aliud quidpiam petant , præter id , quod antiqua , pia , & probata cuiusque loci consuetudo inuexit . Ideo nunquam sub prætextu non solutæ etiam iustæ elemosinæ , funeralia ulli denegare , aut differre sepulturam quisquam Parochorum audeat ; quinim-

**F** mò

mò cum scriptum sit, *mortuo ne denegēs gratiam*, pauperum, & miserabilium personarum cadauera rogatus, siuè non rogatus Parochus proprijs sumptibus sepeliat, nisi ab aliqua pia sodalitate, vel ex collectis eleemosinis huiusmodi Christianæ pietatis officium consueverit exerceri.

Cadauera in Parochorum potestatem de iure venire debere, nec alibi quàm in Parochiali Ecclesia sepelienda esse, Sacri Canones aperte declarant; nisi fortassis, vel iuri succedere Parochus velit, vel alibi esset proprium Defuncti sepulchrum, vel ex scriptis, aut duorum saltem attestationibus constaret, aliquem ante obitum alibi, quàm in propria Parochiali Ecclesia sibi tumulum elegisse; quæ cum ita sint, caveant quicumque Clerici, siuè Sæculares, siuè Regulares sub pœnis in Sacra Sanctione contentis, & alijs etiam grauioribus, ne quemquam inducant, vt voto, iuramento, aut fide interposita se obliget ad eligendam sepulturam in eorum Ecclesia, vel electam non immutandam; quod si contrafactum fuerit, & electio ipsa irrita erit, & eligens hoc pacto in ea Ecclesia sepeliri non poterit, sed ad eam erit deferendus, in qua, si sepulturam non elegerit, esset humandus.

Nullius cadauer tradatur sepulturæ, nisi elapsis duodecim saltèm horis ab illius obitu: si vero repentina quisnam fuerit morte præreptus, vel ex partus dolore femina decesserit, eorum corpora, nisi viginti quatuor horis exactis, nullatenus humo mandentur. Funus quoque nullum deducatur, neque ante ortum, neque post occasum Solis, nisi ex speciali nostra licentia.

Nobis item, vel Vicario Nostro in scijs, sub interdicti pœna, nullo prætextu, etiam translationis in nouum aliquod monumentum, extrahantur cadauera iam semel perpetuæ sepulturæ tradita, neq; noua in vllis Ecclesijs sine nostra facultate extruantur sepulcra alicui familiæ concedenda, vel etiam ad vnius tantum cadauer tumulandum excauentur,

nec

nec minùs alicui nouo vel veteri monumento aliquid inscribatur sine præuia Episcopalis curiæ reuisione; & approbatione.

Et quoniam extrâ Urbem in Diœcesi quidam inualuit mos, qui pietatis quidem speciem præsefert, re tamen ipsa à pietate est omninò alienus; immò fortassis, & superstitionem redolere videatur: videlicet, dum alicuius cadauer effertur domo, & consuetis psallentium Sacerdotum vocibus pro illius anima Deo occinitur, consanguineorum, ac præcipuè mulierum, quæ ex calamitosa ambitione suos ad lacrimas solent oculos erudire, clamoribus, ploratus, totiusque corporis, ac membrorum omnium iactatione ità obstrepunt, vt inchoatam sacram functionem vel retardantes, vel perturbantes omnium ad se oculos prouocent; delatum verò ad Ecclesiâ cadauer circa finem exequiarum circumeunt viri, si quò gradu consanguinitatis, aut affinitatis Defunctorum attingunt; ibique noui rursus excitantur clamores, inania miscentur verba, & supremum vale mortuo dicunt; signa, ritus ethnicorum redolentia. Huiusmodi morem de medio tollere studeant Parochi, atq; hortentur mulieres, vt hoc inconditos clamores deinceps comescant, neque, cum humeris portitorum semel elatum est cadauer, manu feretrum retineant, neque pedem d ianua illius loci, vbi priùs Defunctus iacebat, efferant. Porro viros Parochi moneant, vt vel domi se contineant, vel si etiam velint ad Ecclesiâ Defunctum prosequi, nequaquam circumstent feretrum, sed alibi genuflectant, & pijs precibus animum non oculos fletibus addicant, nec inani- bus verbis ora relaxent: Et iuxta Apostoli monitum, non contristentur sicut, & ceteri, qui spem non habent.

Ad funera, & exequias accedant omnes Clerici (illius Parœciæ, in qua Defunctus iacet) si quando inuitati fuerint, cum veste talari superpelliceo mundo, & bireto ceteris verò inuitatis extrâ Parœciam vestem non talarem per-

mittimus; Sed tamen medium crus propè attingentem, & cum zona, & pro vt supra de Sacrificio Missæ præscribitur. Pileo nunquam vtantur, nisi cum pluit, aut ningit; aut est nimius Solis æstus, sub pœna duorum Ducatorum Veneto- rum singulis vicibus soluendorum statim, pro vt Nobis placuerit, locis pijs applicandorum; cum autem ad Ecclesiam, in qua cadauer tumulandum est, peruenerint, eorum nemo prius abeat, nisi exequijs integrè persolutis sub pœna amissionis cerei, & eleemosinæ occasione funeris illi contribu- ræ, aut contribuendæ, aliisque grauioribus arbitrio nostro infligendis.

Quandocunque ad exequiâs plures Sacerdotes interesse debent, Parochus adsciscat Sacerdotes suæ Paroetiæ, suæq; Ecclesiæ Parochiali interuientes, diligentiores semper cæ- teris preferendo: si verò locus adhuc supersit, euocet Pa- rochos semper viciniore suæ Vicariæ; post hos autem etiam Capellanos eiusdem Vicariæ, & Clericos etiam Paroetiæ nundum Presbyteratus ordine insignitos.

Quæ pro Missa, aut Officio solent eleemosinæ tribui, eæ denegentur Sacerdotibus, qui in Ecclesia, in qua exequiæ peraguntur, non celebrauerint; fraudatur enim pia mens offerentiû eleemosinas, & Ecclesia debito cultu viduatur.

Qui pariter Sacerdos non interfuerit Choro, dùm canitur nocturnum mortuorum, aut Missa solemnis, careat omni eleemosina, nisi tunc temporis sacrum faciat.

In sacratio dùm superpelliceo se induunt Sacerdotes, & cum Choro intersunt canentes, abstineant à vanis collo- quiis, & religiosi legem silentii ori imponant. Nullus quo- que Sacerdos dum Choro interest, siuè dùm alicui Ecclesiæ functioni superpelliceo indutus operam dat, tabacci pul- uerem, aut folium sumat, neq; eo tempore stabra manibus gestet ad euantilandas auras, sub pœna vnius Scuti.

Occasione funerum, aut etiam solemnitatis diù, & lon-  
gus adeò editur campanarum sonus, vt populo fastidium,  
vici-



vicinis tedium, ægrotantibus non ferendam pariant molestiam; hortamur igitur Ecclesiarum Rectores Sæculares, ac Regulares, ut eo vel lugubri, vel festo campanarum sonitu utantur, quo fidelium deuotio excitetur non tedium, aut audientis indignatio.

Si contingat aliquem in Ciuitate extrâ propriam Paroetiam occidi, vel aliquo fortuitu casu interire, tunc, si priuatim ad propriam Paroetiam deferretur cadauer, nihil possit Parochus non proprius, in cuius Paroetia contigit mors, exigere ab hæredibus Defuncti, nullumq; ius super huiusmodi cadauer ab eo acquiratur. Si verò cadauer est cum funere à non propria ad propriam Ecclesiam Parochialem, seu aliam traducendum, tunc declaramus cadauer efferendum esse à Parocho, in cuius Paroetia quis occisus fuerit, vel interiit, atque aded in huiusmodi euentu dignius latus illi, illiusque Cruci (excepta Cruce Capitulari Cathedralis) & à proprio Parocho, & ab eo, in cuius Ecclesiam forte deferendum est funus, omninò esse attribuendum pro ut in Synodo Illustrissimi, & Reuerendissimi Petri Emi 1628. fol. 5.

Si verò contingat aliquem foris decumbere, cuius cadauer deferendum sit ad Ciuitatem, dum illuc petierit vel causa recollectionis fructuum, vel remissionis animæ, vel tuendæ aut recuperandæ incolumitatis, ea seruetur consuetudo, ut extrâ Portas Ciuitatis consignetur proprio Parocho Urbis, à quo ceteris præcedente (excipimus semper Capitulum) ad propriam si in ea cumulandum sit, vel ad alienam Ecclesiam, in qua sepulcrum Defunctus habeat, vel elegerit, associabitur. Neque in hoc casu possit Parochus ruralis ab Urbano aliquid prætere, aut exigere ratione quartæ (nisi fuerit proprius vnictus Parochus) huiusmodi autem censemus, si in eius Paroetia per maiorem anni partem Defunctus continuò habitauerit, si quidem in hoc casu ea seruari præcipimus; Videlicet, ut medietas

dietas cetera tum illius, quæ foris in deducendo ad Portas Urbis cadauere, tum illius, quæ in asportando eodem in Urbem ad Ecclesiam, in qua sepeliendum est, accenditur, seu quæ ratione quartæ iuri Parochiali debetur, æquis portionibus inter Parochos Urbanum, & Ruralem diuidatur; Idem quoque volumus seruari, si è contrà in Ciuitate quis occubuerit, cuius cadauer extrà Ciuitatem tumulandum sit: neque in his casibus Parochi, per quorum Paroetias cadauer processionaliter transiendo ad tumulum deducitur, possint quidquam exigere ratione Parochialis iurisdictionis.

Nullius roboris decernimus esse electionem sepulturæ extrà propriam Parochialem Ecclesiam in scriptis non factam à Defuncto, nisi ea depositione testium examinandorum in actis nostræ Curie Episcopalis constiterit, electionem huiusmodi spontè, & ex libera eligentis voluntate fuisse factam, non verò phaleratis alicuius personæ verbis, artificique dolo, aut suggestionè emunctam, siue extortam.

Cemeteria muro, vel sepibus, aut alia ratione ita occludantur, vt nullis beluatum incurfibus pateant. Ab herbis enascentibus quotannis expurgentur, quæ tamen in inmentorum cibum, aut substramen non cedant, sed vbi exsiccata fuerint, comburantur. Arborea nullæ, siue frugifera, siue infrugifera solo illius coalescere sinantur, & si quæ coaluerint, aut etiam adoleuerint, prociuis euellantur, aut excindantur, nihilque ibi congeratur, quod Ecclesiæ vsibus non deseruiat.

In reliquis circa funèralia, & præsertim cum contingit ab vna ad aliam Paroetiam Defunctum afferri, seruentur ea circa præcedentiam Parochorum, quæ decreta fuerunt ab Illustrissimo, & Reuerendissimo Petro Emo Antecessore Nostro in Synodo habita 1628. circa mediam pag. 41.

## De Pijis Legatis

## Cap. XIII.

**M**irum est, quàm sint ab omni sensu pietatis alieni, quantamque sibi iram congregent in die iræ, qui in Defunctorum hæreditatem adsciri, vel ad executionem testamētariam vocati pia eorundem Defunctorum legata adimplere, vel ingratiſſima obliuione negligunt, vel increpanda cordis duritie contemnunt, amicitia simul, & naturæ potissima iura corrumpentes, quæ & amico fidem, & consanguineis pietatem exactè seruandam decernunt. Ne igitur cuiuspiam dolo, avaritia, obliuione, aut negligentia deuotæ fideliū voluntates pereant, & debito fraudentur effectu

Notarii ad Nos, siuè ad Cancellarium nostræ Curia Episcopalis deferre se teneri sciant tabulas de rebus piarum causarum nomine relictis à se confectas, & propria manu subscriptas infra bimestre à die Rogationis huiusmodi Tabularum, huncque inter casus Nobis reseruos recenseri, quò sollicitius ab ipsis præstetur piorum notitia legatorū.

Hortamur pariter quascumq; alias personas vtriusq; sexus huius Ciuitatis, & Diœcesis, ad quarum manus hæreditario, aut quouis alio modo tabulæ siuè instrumenta, in quibus pia legata iacent, pro vt iacent, Nobis, vel Cancellario nostro, aut si malint etiam propriis Parochis deferant, quo possit fideliter inuestigari, an iis legatis plenè satisfactum fuerit, modò apertissimè non constet, dicta legata fuisse executioni quàm diligenter commissâ.

Habeant Ecclesiæ libellum, fixamque in sacrario Tabellam, in qua distinctè legata omnia perpetua Missarum, vel Officiorum, quæ executioni mandanda sunt, contineantur vna cum indicatione instrumentorum, notatis die, mense, anno,

anno, & Notario; nec inde vnquam amoueatur.

Legata ad certum vsum instituta non possint in alium vsum quamuis pium conuerti, etiam accedente consensu hæredum, nisi habita vel à Nobis, in casibus permisis, vel à Sancta Sede legitima facultate.

Si aliquod Oratorium, vel Locus Pius, vel Ecclesia nolit acceptare legata sibi facta ob tenuitatem rei legatæ non sufficientis ad implenda onera, quorum interest; ij ad Nos accedant, qui iuxta prudentiam decernemus, quid pro tenuitate hæreditatis agendum sit.

## *De Sacramento Ordinis.*

### *Cap. XIV.*

**M**ilitantis Ecclesiæ maiestas, quod sanctius eniteret; plures ministrorum ordines sunt instituti, quos ad tantæ dignitatis apicem non inanis ambitio, non lucri cupido, non vitæ luxus, aut ocium; sed seuerioris disciplinæ studium, & feruens in Deum charitas, fluxarumque rerum contemptus omnino promoueat necesse est; ita enim fiet, vt degeneri laicorum conuersatione Clericalis excellentia non sordescat, & tanto gradui vitæ sanctimonia respondeat, & non sit sicut Populus sic Sacerdos. Vt igitur in re tanta nemo peccet, hæc feruentur.

Qui Clericali militiæ adscribi voluerit, patefacto prius Nobis suæ voluntatis voto, & à Nobis examinata vocatione, secum afferat fidem Baptismi; Confirmationis, & iuratum frequentationis Penitentiae, & Communionis, singulis quibusq; mensibus, à decursu vnus anni ab ea die numerandi, qua coram Nobis se præsentauerit: fidem pariter iuratum Doctrinæ Christianæ: & an habeat, vel habiturus sit sufficiens Beneficium, Pensionem, vel Patrimonium, quorum titulo ad Sacros Ordines temporibus suis possit

possit promoueri. Fidem quoque de vita, & moribus, & de non penitendo in literarum studijs progressu à suis ludi magistris obtentam, accuratiùs à Nobis per delectos examinatores discutiendi, vt ipsorum voluntas penitus intropiciatur, & an ea polleant literarum scientia, quæ Sacerdotẽ deinceps idoneũ spondeat, vt peritiores reddamur.

Qui Clericalem habitum semel legitimè sumptum dimiserit, & instar laici animo iterum illud sumendi per dies in publicum prodierit, si postea Nobis inconsultis, dimissum Clericalem habitum ausu temerario reassumpserit, noverit se omni spe frustratum in posterum clericandi.

Qui in publico examine ordinationi præmitti solito non satis idonei reperti, ab ordinibus suscipiendis reiecti, reprobatiq; fuerint, nouo se examini non committant, nisi elapso trium mensium spatio, intrã quos sollicitiori studio curent, vt promotionis desiderio Doctrinæ meritum par respondeat.

Ad singulos ordines promouendi per mensem antè eorũ ordinationem Nobis se sistant, & per decem dies sacras exercitationes præmittant ductu certi Sacerdotis doctrina, prudentia, ac pietate grauis à Nobis eligendi: cuius fidem testimonio roboratam pariter habere debebunt.

Ad sacrum Subdiaconatus ordinem promouendi habeant Titulum, siuè Beneficij Ecclesiastici, siuè pensionis, siuè Patrimonij, neq; illum resignare, neque extinguere, neque alienare possint, nisi legitimè constituto, quod ordinatus ad illud habeat aliundè, vnde honestè viuere possit. Clericum autem, qui dolosè confecto titulo sacris ordinibus se initiari curauerit, esse ipso iure suspensum à Nobis præsentis vigore decreti declaramus.

Verũ quia plurimę fraudes præcipuè in Patrimonijs constituendis cõmitti possunt, vt eas à Nostra Diœcesi penitus propulsemus; huiusmodi Patrimonia constituentes iurare in actis nostræ Cancellariæ Episcopalis volumus, con-

stitutiones, quas faciunt, esse veras, & reales, nulli eris alieni, hypothecæ similive oneri obnoxias; cum rei eiusdem pacifica possessione, ac fructuum inde perceptione si exant, vel quando extabunt; nullamque inter ipsos, & ordinandum collusionem intercedere. Patrimonia autem, quæ nulla collusionis labe laborant, neque ullis partium fraudibus sunt obnoxia, tribus saltè mensibus, antequam habeatur sacra ordinatio, ter à Parocho, in cuius Parochia Patrimonium illud extiterit inter Missarum solemnias, atq; etiam ter in Ecclesia Cathedrali diebus Dominicis, siuè festis continuis promulgentur. Simulq; Nomen, Agnomen, Parentes, & Parochialis Ecclesia, in qua ortus, & ubi proximè habitet ordinandus, publicetur. Moneanturque omnes, ut si quid impedimenti nouerint tum circa promouendum, tum circa Patrimonium, hoc ipso vel Nobis, vel Vicario Nostro denuncient. Idem omninò seruetur in promulgando titulo Beneficij, siuè Pensionis, si ad huiusmodi titulum quis foret promouendus: quæ omnia seruanda etiam erunt, dum quis erit assumendus ad ordines Diaconatus, & Presbyteratus.

Patrimonia nulla admittantur, cuius annui redditus summam consuetam monetæ Cremensis detractis publicis, & priuatis oneribus non adqueant, neque admitti possint patrimonia assignata à personis cum ordinando in tertio saltè consanguinitatis, vel in secundo affinitatis gradu non coniunctis.

Sacros ordines suscepturi hæc secum indubiæ fidei testimonia in promptu habeant videlicet legitime ætatis, Ordinis ultimò suscepti, functionum in Ecclesia, cui adscripti sunt, præstitarum, Menstruæ saltè Confessionis, & Communionis (ad Diaconatum tamen, & Presbyteratum promouendi singulis, quibusq; Dominicis, & Festis solemnioribus communiceant) spiritualium exercitationum decem dierum, Doctrinæ Christianæ, Confessionis Generalis,

Men-

Menstruæ Congregationis casuum conscientię, seruato-  
rum interstitiorum, Profectus in literis, cantus Grego-  
riani, tonsuræ, & habitus Clericalis, euulgati Patrimonij,  
& de vita, & moribus, & pericia recitationis Horarum  
Canonicarum.

Euectus ad ordinem Presbyteratus primam Missam non  
celebret, antequam à Nostro Cęremoniarum Magistro pro-  
bè fuerit examinatus, & tanquam idoneus approbatus, sub  
pęna suspensionis à Diuinis eo ipso incurrenda.

## *De Sacramento Matrimonij.*

### *Cap. XV.*

**D**ilectæ suæ Sponsæ Ecclesiæ maculas Christus Domi-  
nus in similitudinem hominum factus, & habitu  
inuentus vt homo, pro cruore detergens eam sibi  
exhibuit gloriosam non habentem rugam, neq; maculam,  
illique adeò firmitèr adhesit, vt ætissimæ, & æternum du-  
raturæ illius necessitudinis vinculum præsignari voluerit  
in sedere nuptiarum, per quod vir insimul, & mulier in-  
dissolubili nexu copulati indiuiduam vitæ retinent consue-  
tudinem: Ab ipsis etenim Mundi primordijs, quod in na-  
turæ obsequium, & humanitatis solatium in horto volup-  
tatis fuerat diuinitus institutum, adueniente plenitudine  
temporis à Christo Domino fuit eleuatum in Sacramentum  
ad vberiores diuine gratiæ fructus coniugibus elargiendos,  
ad susceptam sobolem in Dei timore educandam, atque ad  
vehementes carnis stimulos retundendos. Vt igitur ea,  
quæ decet, sanctitate, ac reuerentia Sacramentum hoc  
magnum recolatur, atque suscipiatur, contracturos Pa-  
rochi sedulo præmoneant, vt triduo antequam contrahant,  
Sacramentali Confessione expient conscientiam suam, &  
facto Communionis pabulo reficiant, ne, si quò lethalis cul-

pæ pondere premuntur, nouo scelere ad Sacramentum hoc indignè suscipiendum accedentes obstringantur.

Ad denunciationes, quæ ex Decr. Con. Trid. præmitti debent ante contractum Matrimonium, non deueniatur, nisi ex consensu contrahere volentium, quem Parochus ab utrisque exquiret seorsum, & semotis arbitris, ita tamen, vt dum nupturæ spontaneam voluntatem explorat, possit à longè distantibus consanguineis, vel propinquis videri.

Si post factas publicationes, elapso bimestri, contractus Matrimonij non ineatur, volumus publicationes iterum repeti, etiam si nullum ante detectum fuerit impedimentum.

Impedimento aliquo detecto, quodcumque illud sit, siue verum, siue fictum, neque ad Matrimonij celebrationem, neque ad vltiores denunciationes procedat Parochus, donec Nobis, vel Vicario Nostro consultis, quid in re agendum sit, decernatur; sciatque ex sponsalibus validis licet mutuo contrahentium consensu solutis oriri impedimentum publicæ honestatis, sic decidente S. Cong. Card. Trid. Interp. 6. Iulij 1658.

Denunciationes eiusmodi tribus continuis diebus Festis ( qui quantum fieri potest inter se consequentes non sint ) inter Missarum solemnias, cum populus frequentior aderit, à proprio contrahentium Parocho fiant: neque absque nostra speciali facultate in scriptis concedenda vnquam omitantur, aut minuantur.

Si vterque, vel alteruter contrahentium fuerit alienæ Diœcesis, ad nullas Parochus pergat denunciationes, neque ad explorandum consensum, donec à curia Episcopali, iuxta formam instructionis S. Cong. Card. S. Off. S. Inq. in alma Vrbe peracto examine, fuerit illi expedita in scriptis facultas, quam in actis Parochiæ inferere debbit. Idem omnino obseruetur, cum vtriusque vel alterutrius contrahere volentium prior vir, seu vxor in aliena Diœcesi diem suum clauserit extremum.

Si



Si quis sponſorum, vel ambo ab vna in aliam Parochiam tranſmigrauerit, niſi ſaltẽm per bi-meſtre in noua Parochia habitauerit, denunciationes ſiant vtrobiq; hoc eſt, & à qua reſceſſit, & in qua tunc domicilium habet. Quod ſi ambo ad nouam Parochiam diuerterint, ſiant in priori, vbi domicilium habuerunt.

Post vltimam denunciationem Parochus non coniungat contrahere volentes, niſi ad ſequentem diem: neq; poſtremo denunciationum die detur à Parochis fides de nullo detecto impedimento ad contrahendum Matrimonium. Illudq; ſemper in Eccleſia peragatur, niſi à Nobis aliter fuerit diſpenſatum.

Hortentur quoque parentes, ſeu conſanguineos ſponſæ, ne tam facilem veniam præbeant ſponſo colloquendi cum ſponſa, aut manendi ſe ſolis, ſed vt poſt præctas denunciationes quanto citiùs fieri poterit Matrimonium in facie Eccleſiæ celebretur nunquàm, niſi cum vidua nubit, à ſolemni benedictione ſe iungendum; accepimus enim in quibuſdam Parochijs noſtræ Diçeſis huiuſmodi corruptelam irrepſiſſe, quam damnamus, vt Matrimonium ſummo mane celebretur, & poſtmodum ſub meridiem ſponſi in Miſſa benedicantur.

Admoneant pariter filios familias, quod licet ad validitatem Matrimonij non exquiratur Parentum conſenſus, aut ſcientia; rationi tamen maximè conſonum eſſe, Parentibus, & ijs, in quorum fide, & poteſtate ſunt, eum honorem tribuere, vt ipsis inconſultis, nedùm inuitis, ac repugnantibus, rem tanti momenti non aggrediantur: quin potius illorum conſilijs, & placitis humiliter acquieſcant.

Si quis autem ob aliquod impedimentum vel certum, vel dubium, non præmiſſis denunciationibus, vel non expedita à curia Episcopali facultate ex defectu requiſitorum, aut etiam à Nobis iuſtis de cauſis eadem facultate ſuſpenſa, in tam proiectam eruperit temeritatem, vt coràm Parocho

cho infcio, & inuito siue in Ecclesia, siue extrà in præsencia testium, vi, aut fraude contrahere tentauerit, contrahentes ipsi, & testes, quiue ad id consilium, aut auxilium præsiterit, excommunicationis vinculo nouerint se ipso facto innodatos, cuius absolutionem Nobis reseruamus; Insuper exilij, carceris, triremis, aliisque grauissimis pœnis à foro sæculari per Nos implorando plectendos.

*De Vita, & Honestate Clericorum.*

*Cap. XVI.*

**A**pprimè decet Clericos in sortem Domini vocatos eamorum innocentia esse præditos, vt verè in illos cadat præclarum Apostolorum Principis elogium, en gens sancta, Regale sacerdotium; à rebus enim sæculi in altiore sublati gradum omnium ora, atque oculos in se conuertunt, atque ab eorum moribus cæteri de populo discunt, quod imitentur. Si pietatis, si religionis, si modestiæ, si continentiæ, si, quæ tantopere nos Deo commendat, sanctæ humilitatis virtutibus, eos esse ornatos conspiciunt; mirum est, quantum & ipsi ad dirigendos pedes suos in viam pacis excitentur. Contra verò si quid in illis offendunt, quod censura dignum sit, vbi est Deus Clericorum! protius exclamant, atque insuper tantis sub auctoribus ipsi quoque licentiùs prauis affectibus indulgent iuxta illud: Si Sacerdos, qui est vnctus, peccauerit, faciet delinquere populum. Vt igitur tanti characteris dignitas turpissimis vitiorum maculis non obsolescat, sed in dies laudis bene viuendi Laicis præferat faces: hæc seruentur.

Habitu Clericalem, & tonsuram constanter deferant, coronam quoque eorum dignitatis insigne summo in vertice gestent singulis quibusque saltèm quindecim diebus renouandam; barba etiam, & caput eorum ad Clericalem disci-

disciplinam ita sint detonsa, vt decurtatis capillis aures  
vtrinque pateant.

Sacerdotes, & Clerici maioribus ordinibus initiati in  
publicum ne prodeant Clericali habitu non induti, etiam  
si ad breue tempus sint domum reuersuri, sub pœna vnius  
auri singulis vicibus exoluenda, cuius medietas vna accu-  
santi, altera pauperibus erit elargienda: quinimmo neque  
cum domi suæ versantur deposito Clericali habitu eo loci  
se collocent, quo facile à prætereuntibus videri possint, se-  
dendo videlicet, vel in limine ianux, vel extrà ianuam.

Vestes eorum non sint neq; nimium ad elegantiam com-  
positæ, vt delicias redoleant; sciant enim modesta veste  
nihil esse nobilius, & sibi proponant sapientissimum dictum  
Zachariæ Pontif. Nos inquit non honor commendat ve-  
stium, sed splendor animarum. Neque tamen sint laceræ,  
aut sordibus deturpatæ, vt contemptum pariant. Hæ verò  
vestes exteriores zona semper, aut cingulo præcingantur,  
Interiora quoque vestimenta, nec non caligæ, & calcea-  
menta tam coloris modestia, quàm cultus simplicitate re-  
ligiosam præferant humilitatem.

Tempore æstiuo Clerici, Sacerdotes etiam si Parochi  
sint, & Rectores animarum, neque in Vrbe, neq; ruri extrà  
domum versentur, aut peregrè incedant ea veste linea tan-  
tùm superiore tecti, etiam si sit nigri coloris, quam vulgus  
nuncupat *Brandinburgo*, seu *Spoluerinum*, nisi subtus vestem  
Clericalem gestent. Non choreis se interserant, non lar-  
uati incedant, spectaculis, comedijs, & theatris non adsint:  
tabernas, nisi itineris necessitate compulsi non adeant sub  
pœna duorum aureorum, alijsq; grauioribus pro qualitate  
delicti arbitrio nostro infligendis. Nullum armorum ge-  
nus adhibeant: sclopos verò cuiuslibet generis, vel quan-  
titatis de die, vel de nocte ne deferant, sub pœna suspensio-  
nis à diuinis ipso facto incurrendæ Nobis reseruata. Sclo-  
peram tamen permittemus venationis causa habita prius à  
Nobis

Nobis, vel Vicario Nostro licentia gratis danda.

Nullus quoque sine habita à Nobis facultate exorcismos adhibeat super energumenos, neque simplex Sacerdos functiones Parochiales obeat, nisi de Rectoris, vel nostra licentia.

Aleas, taxillosque fugiant, nec per vias noctu vagentur instrumenta musica pulsantes, aut cum ea pulsantibus: ab illis, quæ cum clamore, & strepitu fiunt, venationibus abstineant: non villici munere fungantur, non aliena prædia conducant, neque ullum sordidi quæstus officium exerçant. Caucant ne eorum corda grauentur crapula, & ebrietate, ideoque laicorum conuiuia, in quibus factis, dictisue obscenis candor læditur puritatis, euitent. Ita tandem caute, modesteque cum Laicis versentur, ut ex nimia familiaritate contemptus non emergat. Id loci, quo se collectim accipiunt mulieres, ut neudis liniis operam dent, siue ubi earum conuenticula celebrantur, & mares ad amorem, ut vulgo fertur, faciendum solent confluere, omnino vitent, sub penis arbitrio nostro infligendis.

Propè suspectarum feminarum domum non habitent, nimiam etiam familiaritatem quouis officij, aut pietatis pretextu cum mulieribus fugiant, quanti enim, teste D. Ambrosio, non dederunt errori locum, & dederunt suspicioni.

Sub pena suspensionis ipso facto incurrendæ, si Clerici fuerint in sacris constituti, nullus quamcumque mulierum etiam si non suspectam, etiam bonæ famæ, & quadragenaria maiorem, sub quouis seu ancillatus, seu famulatus nomine absque speciali nostra scripta licentiâ domi secum retineat, vel ad quotidianum, aut quasi famulatum illas admittat, etsi extra domum versetur: Excipimus tamen omnes consanguineas intra secundum gradum; Si verò Clerici fuerint in minoribus constituti, qui huic constitutioni non paruerint, careant omni spe fore, ut ad maiores ordines promoucantur.

Cle.

Clerici omnes, & Sacerdotes singulis diebus Dominicis, & Festis Ecclesiæ suæ Parochiali, siue alteri sibi commo-  
diori inferuiant superpelliceo semper, & bireto induti.  
Parochorum autem sit eosdem Sacerdotes inferuientes ad  
emolumenta eiusdem Ecclesiæ præ ceteris admittere.

Supplicationibus, siue quæ ex generali præcepto Eccle-  
siæ, siue quæ ex speciali nostræ Ecclesiæ Cremenlis consue-  
tudine ad implorandam diuinam opem, vel ad referendas  
ob parata nobis diuinitus Beneficia gratiarum actiones per  
annum fieri solent, Clerici omnes talariveste, & superpel-  
liceo mundo induti, Clericale quoque biretum, & Cleri-  
calem suo ordini coronam gerentes sub pœna vnius Ducati,  
quàm diligentissimè intersint. Cum verò ad Ecclesiam  
Cathedralem accesserint, hac, illacque non diffuant, sed  
animo in Deum intento in eadem supplices orent; cum au-  
tem supplicatione inchoata ipsis erit recedendum, non  
sparsim, neque cateruatim, sed bini, & bini ordine discre-  
to procedant, locum dantes, & manum illi, à quo vel ma-  
iori ordine, vel suscepti ordinis tempore præueniuntur,  
itâ tamen, vt Beneficiati ceteros præcedant beneficio ca-  
rentes. Dum processionaliter incedunt, abstineant à risu,  
cachinnis, & à quibusuis confabulationibus, oculos huc  
atque illuc non circumferant, nec ventilabra præ manibus  
gestent, neque vllum in via salutent, sed toto corpore ad  
modestiam, & humilitatem composito, quæ à præcinenti-  
bus Clericis Litanîæ, seu Preces funduntur, eadem alta  
voce repetant, siue secum tacitè meditentur. Ad Eccle-  
siam denique reuersi, nisi peractis de more precibus, & to-  
ta sacra actione persolûta, nemo sub eadem pœna discedat.  
Offenduntur enim Laici, dùm ad Ecclesiam Cathedralem  
regressi ex pleno Clero præterquam paucissimos vident.

Die Ccenæ Domini, quo sacra olea à Nobis Pontificali-  
bus induti cœlesti benedictione implentur, & ad salutaris  
vsus consecrantur, Clerici omnes Diaconi, Subdiaconi, &

H

simpli-

simplices Sacerdotes summo mane ad Ecclesiam Cathedralem accedant cum vestibus sacris suis cuiusque ordini congruentibus, ut à Magistro nostro ceremoniarum selectis, qui huiusmodi ministerio sunt opus. Nobis assistant, sub pena octo librarum ceteræ albae in cortos, aut interstitia elaborata.

Congregationes pariter casuum conscientiae, quæ in nostro Episcopali Palatio singulis mensibus haberi solent, Clerici omnes, qui sacris sunt initiati, Sacerdotes, Confessarii, Parochi, & Praepositi omnes frequentent, sciantque Subdiaconi, & Diaconi non esse ad maiores ordines promovendos, nisi huiusmodi frequentiae à Praefecto huiusmodi Congregationis à Nobis eligendo fidem in scriptis detulerint: Sacerdotes verò si huiusmodi fide caruerint, literas eorum patentes pro Missa celebranda, cum ad Nos, vel ad Vicarium nostrum pro illarum subscriptione accesserint, sciant esse suspendendas ad tempus Nobis bene visum. Si quis verò eorum, quibus animarum cura credita est, nullo legitimo impedimento detentus ab huiusmodi congressibus abfuerit, pena duorum aureorum pro qualibet vice mulctabitur, pro ut decernitur in Synodo Dieda sol. 35. coacta anno 1609. alijsque gravioribus pro modo culpæ per Nos taxandis.

Idemetiam eodem ordine, & sub eadem pena, quibus supra, volumus servari à Clero Diocesano in Congregationibus, quæ in singulis Vicarijs statutis temporibus habentur.

Sed quia ad Clericorum animos exornandos, morum integritati literarum quoque studia debent accedere; Habeat unusquisque in sacris constitutus infra scriptos libros videlicet Kalendarium, & Breviarium, Catechismum, Conc. Frisd. Summam aliquam, in qua conscientiae casuum discutiantur, puta Navarri, Toleti, aut Medullam Busembai, vel alias huiusmodi; has quoque nostras constitutiones, casque con-

continuo euoluant. Nec illis deficiat aliquis libellus piè  
conscriptus ad Orationem mentalem eliciendam, ut Opera  
D. Francisci Salesij: Stellæ, Spinulæ; præcipuè verò mani-  
bus teneant Tractatum Asceticum de Sacrificio Missæ Emi-  
nentissimi Card. Bonæ, & exercitationes perfectionis Al-  
phonfi Rodriquez, quarum lectione mirum est ad fluxum re-  
rum contemptum animus quantum assurgat, & quantam  
de Diuinis rebus loquendi copiam hauriat.

## *De Officio Parochi.*

### *Cap. XVII.*

**L**icet ferè omnia, quæ hætenus dicta sunt, eo perti-  
neant, ut idoneum Pastorem animarum efforment;  
tanta nihilominus est huius muneris ratio, ut totam  
ad se reuocet nostræ mentis sollicitudinem. Ars quippè  
artium cum sit regimen animarum, quis in ea excolenda  
adeo se profecisse fatebitur, ut illam penitus callere præ-  
sumat? Onus certè supra omnem fidem graue, ac fortissi-  
morum humeris formidabile. Quid enim homini metuen-  
dum magis, quàm oues non corruptibilibus auro, æque ar-  
gento, sed pretioso Sanguine Iesu Christi emptas, sibi que  
diuino nutu concreditas, tot luporum incursum fatigatas  
ad æternitatis pascua perducere? meminerint igitur Paro-  
chi non ad propria commoda, non ad diuitias sibi auaris,  
vel hæredi prodigo congerendas vbtari, non ad luxum,  
sive ad splendorem inani furo gloriam, sed ad labores im-  
pigrè subeundos, ad tolerandas molestias, & ad vitam  
etiam pro ouibus suis præclaro tot difficultatum certami-  
ne profundendam: habituri coronam iustitiæ, quam red-  
det illis iustus Iudex, si bonum certamen certauerint, &  
fidem sui muneris accuratè persoluerint. Quod ut facilius  
consequantur, hæc ipsis obseruanda proponimus.

siq. Legitimo impedimento cessante, Sacramenta ipsi per se ministrant, etiam si vice Parochum, siue alium Sacerdotem Parochialia munera obeuntem à Nobis impetrauerint; sanguinem enim ouium, si qua perierit, non de manu cuiusquam, sed proprii Pastoris se esse exquisitum testatus est Dominus. In Sacramentorum autem administratione ritus in Rituali Rom. præscriptos adamussim obseruent.

Diebus Dominicis, & Festis pro ouibus suis sacrificium offerant. Quod si ratione solemnitatis ad aliam Ecclesiam digredi contigerit, id nè fiat; nisi sacrificio in propria Ecclesia prius peracto, vel nisi alius Sacerdos substituatur, qui eius loco celebret. Inter quoq; Missarum solemnias, quando opus fuerit, ieiunia, Festos dies, & Decreta nostra, vel Prædecessorum nostrorum Synodalia ex præcepto enuncianda enuncient. Vespertinas horas dictis diebus in Ecclesia canere, aut si cantores desint, submissa voce dicere nunquam omittant. Singulis saltèm quibusque quindecim diebus aquæ lustralis consecrationem peragent, & Sabbathi Sancti die, quo aqua Sacri Fontis pleniori benedictione per manus Sacerdotis sacratur, Parochi etiam Urbani permissum à se Sacerdotem superpelliceo, & stola alba indutum præcedente Clero cum vasculo eiusdem aquæ, & aspergillo singulas suæ Parœciæ domus aspergi deinceps sedulo studeant.

Domos inhabitent Parochiales, aut Parochialibus adiacentes, aut saltèm à Parochialibus non longè distantes, ut vocati ad Sacramenta administranda, & ad alia sui muneris peragenda præsto sint; neque domo discedant, quamuis ad breue tempus redituri, si in Parœcia sint ægroti.

Nocturno tempore nunquam sint extrà fines Parochiæ, nisi ex legitima causa, & aliquo idoneo Sacerdote substituto: licebit tamen illis toto triduo abesse, dum intrà annum plusquam duos menses iuxta Concil. Trid. non absint, & dummodo facultatem à suis Vicarijs Forancis in scriptis



scriptis prius obtinuerint; Sacerdotem quoque ad id aptum à Nobis, aut Vicario Nostro approbatum semper substituant. Si longiori tempore abesse opus fuerit, Nos premoneant, ut quæ opportuniore visa fuerint, præscribamus.

Qui sine licentia à Nobis, vel Vicario Nostro in scriptis obtinenda plusquam sex dies à Parochia discesserit, penam scutorum Cremensium trium toties dabit, grauioremque pro culpa grauiori. Spectabit autem ad Vicarios Foraneos, ut hæc inuiolabiliter de residentia obseruentur, ad Nos deferre inobedientium nomina, & genus culparum; aliàs ipsimet punientur.

Viduarum, ac Virginum egestate laborantium, aliarumque miserabilium personarum curam paternam gerant. Orphanos pariter, ac pupillos pro viribus tueantur: ægrorantibus verò Sacramenta tempore opportuno administrent, & ex hac vita migrantes pijs precibus personaliter usque ad obitum, quantum fieri potest, adstantes Deo commendent, curentque statim, ac aliquis Paroecianus è viuis excesserit, publicum dari campanæ signum, quo de proximi sui obitu fideles admoniti orationibus illius animæ suffragentur.

Dissidia, & contentiones, si quando inter suæ Paroeciæ subditos cognouerint, opportunis exhortationibus, ac monitis in neutram partem æquo propensiores quàm citissimè studeant componere, & publicos peccatores in Domini causam deducere, potentesque sint in doctrina sana exhortari, & eos, qui contradicunt, redarguere; nè aliàs Sacerdotalis seueritatis inimicos tanquam canes muti non valentes latrare, dum culpas corripere metuunt, incassum delinquentibus promissa securitate blandiantur.

Sepè sepius admoneant populum, quàm immane, & impium scelus sit, falsum deponere testimonium in iudicio tam ciuili, quàm criminali, licet in nullius præiudicium, ac

per-

perniciem prolatum falsum iuramentum vergat, quinimodò etiam si innocenti suffragetur, in quo quamplurimi alucinantur, existimantes, quoties de alterius damno non agatur, licere pœierare.

Habeant Parochi libros Baptizatorum, Confirmatorum, status animarum singulis quibuscunque annis elapso à die Paschatis octauo conscribendi, Matrimoniorum, & Mortuorum suæ Parœciæ, quos cautè apud se retineant, nec ulli fidant: quos libros, si Parochus de vna ad aliam Parœciam per assecutionem noui beneficii commigret, Sacerdoti OEconomo illius Ecclesiæ, à qua ipse recedit, fideliter tradat.

Cum publica supplicatio in Cathedrali habenda erit diebus, vt supra in cap. 13. adnotauimus, Præpositi Vrbanî nullo legitimo impedimento detenti eidem interesse faciant.

Si quis Parochorum nostræ Diœcesis graui morbo laborauerit, vicinior respectu Ecclesiæ Parochialis Sacramenta tempestiuè administrabit, idemq; secuta morte demortui cadauer efferet, & exequiale funus deducet. Vicarij tamen foranei partes erunt de huiusmodi Parochi obitu Nos reddere certiores, vt de OEconomo eidem Ecclesiæ providere possimus, cui ab hæredibus Defuncti illicò tradendierunt libri, & scripturæ ad Ecclesiam, & Parochialia iura spectantes, nec non cœtera, quæ sub iure defuncti Parochi seruabantur, cum tamen eius iuris non essent.

Moneant Patrem, & Matrem, ne secum in eodem lecto, quamuis graui egestate laborent, detineant liberos suos, decennio maiores, in quorum mentem dolus cadere potest; vbi enim eos in eodem lecto iacere permiserint, grauis culpæ reatum vix effugient; caueant itaque, vt in aliquo alio à sup. quantũ fieri potest seiuncto lecto sequestres dormiant. Mares pariter simul cum sèminis etiamsi fratres, & sorores sint, modò ad eam ætatem pertuenerint, qua bonum à malo

secer-

secernere dignoscantur, nullatenus in eodem lecto decumbere patiantur.

Moneant interdici à Nobis, quibuscunque vtriusque sexus signare, & benedicere morbos cuiuscunque speciei, nisi prius modus signandi fuerit approbatus à Nobis, vel à Vicarijs foraneis, siuè à Parochis proprijs Urbanis.

Increpent sæpè sæpius Blasphemos, qui ausu temerario Dei nomen violare non erubescunt: moneantque Patres familias, ut si quos domi suæ nutriunt ad famulatum, vel ad artes exercendas, qui pessima blasphemandi consuetudine impiè detinentur, eos quàmprimo domo expellant, & si secus fecerint, blasphemantium peccatis participes fore certò sibi suadeant.

Nullis Ecclesijs, siuè Oratorijs intrà fines suæ Paroeciæ positis, homines habitum Eremiticum legitimè gestantes inferuire, elemosynas à fidelibus emendicare sine habita à Nobis in scriptis licentia Parochi patiantur: & oculati inuigilent super vita, & moribus eorum: quos autem, vel non religiosè viuere, vel Ecclesijs, quarum seruitio sunt destinati, sedulam operam non nauare, aut Doctrinam Christianā non frequentare, & Ecclesiasticis functionibus diebus Festis Parochorum nutu non adesse compererint, ubi ab ipsis admoniti non resipuerint, ad Nos quàmprimùm deferant, eorum socordiæ, vel inobedientiæ opportuniorebus remedijs prouisuros.

Neminem quoque alterius Diocesis sacco, vel non sacco indutum, sine legitima facultate quætuare permittant.

In quibuscunque Congressibus Ecclesiasticorum pro qualibet functione obeunda, semper præcedentia debeatur Beneficiatis supra non Beneficiatis, etiamsi sint diuersæ Vicariæ.

*De Vicarijs Foraneis .**Cap. XVIII.*

**E** piscoporū munus est, quæcunque ad optimum regimen Ecclesiarum suarum spectant, pro viribus providere; sed quia nulli hominū fas est, singula oculis explanare, aut præsentia custodire; quemadmodum Parochorum ministerio in Sacramentorum administratione Pastoralis Præfultum cura omnino indiget, ita eorundem Episcopalis iurisdicctio ad Ecclesiasticam disciplinā, vel relaxatā corrigendam, vel benè correctā in officio continendam Officialium, quos Foraneos vocant, opera plurimum iuvatur. Quicunq; igitur ad hoc munus eligantur, sciānt, se in partem nostri operis esse vocatos, illudque sæpius attentè cogitent, se Deo cooperari ad animarum salutem, quod teste Arcopagita Divinorum diviniſſimum est.

Quapropter spreto cuiuscunque inanis gloriolæ lenocinio, munus suum accurata modestia implere studeant, & gravi, prudentiū regimine in suo quisque Vicariatu præsidere sagat. Vigilantiæ suæ oculos per vnamquamque sibi subiectam Ecclesiam circumferentes, dispiciant, nūm decenter custodiantur; nūm sacra suppellex niteat; nūm ante Sanctissimum Sacramentum diu, noctuq; continenter lampas præluceat; an Parochi diligenter resideant; Sacramenta ministrent; Christianam Doctrinam statis temporibus edoceant; an infirmis assistant; cæteraq; munia Parochialia ritè obeant: an Populum probatæ vitæ exemplo ædificent, an potius corruptis moribus destruant: an deniq; decretis huius Synodi, & Nostræ visitationis sollicitè intendant; quos verò in aliquo ex prædictis negligentes deprehenderit, eos paternè moneant: quod si correcti non paruerint, ad Nos, vel Vicarium Nostrum pro culpæ gravitate quàmprimū referant.

Cleri-

Clericorum, & Capellanorum quoque mores inuestigare: & an singula, quæ in hac Synodo ab ijs præstanda decreuimus, sedulo præstentur.

Nostri si quæ Decreta, aut Encyclicas literas acceperint, ad suos comparochos quanto citius transmittant.

Habeant saltem nouem quolibet anno Congregationes casuum conscientiarum, ita tamen, ut vnus tantum mensis eas intermediet, non duo, aut tres continenti fluxu prætereant Congregationibus vacui; ita enim fiet, ut huiusmodi numerus, neque hyemis asperitate, neque Quadragesimæ ieiunio, vel messis, aut vindemiarum curis excludatur.

Casus discutiendi proponantur ab eo Parocho, in cuius Ecclesia habenda erit Congregatio, ita tamen, ut, post ultimo discussos, statim eadem die proponantur discutiendi: & decisiones per definitorem in vnaquaque Vicaria communibus Vicarij, & Comparochorum suffragijs eligendum, si nondum fuerit electus; simulque quæstiones in futura Congregatione dissoluendas literis obsignatas cum nominibus eorum, qui Congregationi non interfuerint, Vicarij Foranei ad Nos deferant termino octo dierum, sub pena vnius auri ab ijs soluenda, si in hoc fortè defecerint.

In proponendis autem casibus illud semper circumspiciatur, ut omnis quæstionibus, quæ ad rem non pertinent, & tantum difficultates in medium afferantur, & enucleentur, quæ ad tollendas corruptelas, & abusus, quibus quisque Parochorum suas Paroecias nouerit detineri, vel ad inferendas Fidelium mentibus virtutes, quibus viderit indigere. Rubricæ Missalis, quæ ad Missæ sacrificium spectant, omnino non negligantur, quinimmo illarum semper aliquid in singulis Congregationibus examinetur, ut ritus in Missa adhibendi Sacerdotum animis, præsertim Capellanorum altius hæreant. Legantur pariter hæ nostræ Constitutiones Synodales ita partitim, ut euolutis nouem Congregationibus quotannis habendis, tota illarum series ab-

soluatur; neque vlla pars omittatur. *Q. 1. m. 7. 10.*  
 Habeat Vicarius Foraneus librum, in quo notentur  
 dies, mensis, annus, casus discussi; & Ecclesia Parochia-  
 lis, in qua habitæ fuerunt Congregationes, & præsertim  
 in huiusmodi librum redigantur decisiones discussorum ca-  
 sum sultæ binis saltem validioribus argumentis; & ratio-  
 nibus, & Doctorum auctoritatibus.

Si quis Parochorum sine iusta de causa à Nobis diligen-  
 ter examinanda ab huiusmodi Congregationibus absue-  
 rit, penam, pro ut supra de vita, & honestate Clerico-  
 rum notauimus, soluet; Capellani pariter eadem afficien-  
 tur pena, qua ibidem absentes censuimus puniendos.

Si Rectori, vel Parocho illius Ecclesiæ, in qua Congre-  
 gatio habita fuit, placuerit alios intereuntes Congrega-  
 tioni mensa excipere, aurea frugalitate eos excipiat, &  
 vnusquisq; commensalis sobrietati attendat, ne, dum cor-  
 pus cibo nutritur, animus virtute salubris temperantiæ  
 languescat; nullusque Laicorum assidere in mensa permit-  
 tatur; quæ duo hæc maximè debent esse curæ Parochis  
 omnibus, quotiescunque in simul accumbere contigerit;  
 mensam autem semper præeat Benedictio, & gratiarum  
 actio subsequatur.

## *De Ecclesia Cathedrali.*

### *Cap. XIX.*

**E**cclēsia Cathedralis cæterarum mater, & magistra  
 eo debet cultu, & maiestate nitere, qua maior vix  
 dici possit: eo debet florere exemplo virtutum, vt  
 cæteris nēdum præesse videatur, sed verè etiam præsit. In  
 eam etenim veluti in nitidissimum pietatis, & perfectionis  
 speculum reliqui Ecclesiarum Rectores oculos coniiciunt,  
 ab eaque petunt veluti ab exemplari omnia Ecclesiasticæ  
 disci-

disciplinæ instituta, cęremonias, & reliqua, quibus religionis cultus continetur. Dent igitur operam Dignitates, & Canonici Ecclesię nostrę Cathedralis, vt sicuti cęteris dignitate præcedunt, ita etiam sanctitate, & decore præluceant.

Cum ad Diuinam Psalmodiam, qua sponsa in hoc exilio absentiam suam à cęlesti sponso solatur, in Choro Deo concinendam conueniant, ipsi quoq; canant, & verba distinctè pronuncient: In medijs versiculis omnes interquiescant: Nemo suum incipiat versiculum, nisi altero è regione persoluto.

Dignitates, Canonici, & Prębendarij, siuè Mansionarij, dato signo campanulę de more, omnes ad Cathedralē conuenientes superpelliceis, & insignibus pro cuiusque munere induti ad Chorum accedant ea grauitate, quam & sui ordinis dignitas, & Diuini Officij mox à se persoluenendi summa ratio exquirat. In Choro, & Processionibus nullus flores gestet: non ventilabris utatur: non viliū Tabacci genus sumat: non literas legat: non confabulationibus se dedat: non risu erumpat: sed iuge silentium singuli seruantes Regi Terrę sapienter psallant.

Delinquentes notabiliter in Choralī disciplinā à Punctatore antè moniti, nisi prima vice respuerint, omninò punctentur.

Ante peractum Officiū, Missamq; nemini à Choro discedere fas sit prætextu celebrandę Missę, sinē licentiā Pręfecti Chori. Nè tamen tempore ipso Diuinorum Officiorum in Sacrario plures quàm duo Sacerdotes Canonici celebraturi se detineant, nec tertius à Choro celebraturus recedat, nisi alter ex illis ad Chorum redierit, & qui tertius accesserit, tanquā absens à residentia punctetur; nemini verò ex Prębendarijs tempore Diuinorum Officiorum, sinē vrgenti necessitate, celebrare liceat.

Capitula à Dignitatibus, & Canonicijs ritè fiant: singulis

lis saltē mensibus pro rebus spiritualibus, & temporali-  
bus mensæ dirigendis cogantur statis diebus, non tamen  
Dominicis, aut Festis, vel Diuinorum Officiorum tempo-  
ribus. Ibi agenda tractentur Sacerdotali, & Canonicali  
modestia. Per secreta suffragia res omnes statuantur, &  
expediantur.

• Pridie saltē ante celebrationem indicatur Capitulum  
ab eo, ad quem uti primo in Ecclesia spectabit, citatis om-  
nibus, & singulis Dignitatibus, & Canonicis, significata-  
que re, de qua consulendum, & deliberandum erit. Res  
grauiores in primo Capitulo proponantur, in alio decer-  
nantur, nisi secus cogat necessitas, aut angustia temporis  
exigat.

• Electus ad officium Punctatoris meminerit, se teneri in  
manibus nostris iurare, se in officio suo fidem, & diligen-  
tiam præstiturum, nec transuersum vnguem à legibus dis-  
cessurum, iuxta statuta Illustrissimi Iacobi Diedi vigilan-  
tissimi Antecessoris nostri in eius Synodo fol. 21. Tit. de  
Canon. & Præben., quam & Nos confirmamus, districtè  
præcipientes in virtute Sanctæ obedientiæ, & sub penis  
Nostro arbitrio statuendis, ne aliquis electus in punctato-  
rem differre audeat iuramentum ut suprà præstandum ultra  
duos dies ab eius electione, eoque præstito iuxta id, quod  
iurauit, officium suum exactè adimplere satagat, posthabi-  
to quolibet humanitatis affectu; ne, si facilis negligentibus  
conniueat, alienis peccatis communicet, cæterorumque  
inservientium damni inde enati onus in se transferat re-  
parandi.





## De Monialibus.

## Cap. XX.

**M**oniales etiam, quæ fluxarum opum spreto fulgore paupertatem solidam religiosæ vitæ patrimonium sectantur studio placendi bonorum omnium largitori Christo Iesu, qui diues cum esset propter nos est factus egenus, hoc vno felices, quod amittentes terrena, quæ fures effodiunt, & furantur, veniunt in certam spem celestium, quæ nec dari possunt ab hominibus, nec auferri, eoq; feliciores, quod è sæculi periculis erutæ, carnis illecebras coercentes sponso, qui pascitur inter lilia virgineo fragrans odore, liliū in horto sui corporis suauiter educant; pastoralis nostri Officij sollicitudo tanquam dilectissimas in Christo filias paterna charitate complectitur.

Meminerint igitur, & sepè ac sepiùs secum meditentur, solemnī professione paupertatem, obedientiam, castitatemque se vouisse, atque adeo quod ore semel ritè protulerunt, opere etiam, vsque ad extremos vitæ halitus, adimplere satagant. Suarum institutionum obseruantiam, quæ ad regularem disciplinam maximè pertinent, firmiter teneant, & si quas earum in defuetudinem abiisse constiterit, quas instaurari satius sit, Abbatissæ, siuè Priorissæ pro viridi illarum obseruantia vrgeant. Iuxta Sacros Canones, & Apostolicas sanctiones clausuræ limina inuiolabiliter custodiant, & nè ab aliis violentur, occultatè intendant, videlicet quibus necessitate urgente à Nobis specialiter approbatis septa Monasterii ingredi permissum, vt quàm diligentissimè caueant, nè data facultate abutantur: qui secus fecerint, aut aliàs concessis licentiis abuti præsumpserint, pœnam excommunicationis aduersus clausuræ violatores se incurrisse pro certo habeant.

Nemo

Nemo Clericus cuiusque status, gradus, conditionis, ac dignitatis existat, sine nostra, aut Vicarij nostri habita in scriptis licentia per Ianitrices Abbatissæ, seu Priorissæ Monasterii prius exhibita, ad ipsius Monasterii collocutoria, crates, & rotas, portas, siue fenestellas Moniales allocuturus sub quouis prætextu accedere præsumat, sub pænâ suspensionis ipso facto incurrendæ, Nobisque reseruata, pro vt decernitur in Synodo Illustrissimi, & Reuerendissimi Petri Emi Prædecessoris nostri habita 1619. Dec. 17. de colloctione cum Monialibus, aliisque arbitrio nostro infligendis.

Nemo similiter Laicus, sine eadem facultate, sub culpa, aliisque grauissimis pœnis ab utroque Foro imponendis, pro vt in Dec. supra citato, ad dicta loca cum Monialibus collocuturus accedat. Ab hac tamen lege primo, vel secundo consanguinitatis gradu coniunctos, siue Clericos, siue Laicos declaramus immunes, dummodo non cum aliis, quàm cum dicto gradu coniunctis colloquium habeant: exceptos quoque hac lege volumus famulos domesticos, quos iidem consanguinei ad easdem miserint.

Quicumque verò Regulares, qui ad easdem crates, &c. pro vt supra, Moniales quamuis à Iurisdictione Ordinarij exemptas, ac etiam ipsis Regularibus subiectas sine legitima facultate Sanctæ Sedis à Nobis recognita, vel à Nobis in casibus permissis concessa, alloqui præsumperint, excommunicationis vinculo ipso facto incurrendæ, Nobisque reseruata nouerint se esse innodatos, pro vt Nos innodamus, iuxta Decreta Card. Sacri Concil. Interpret. die 11. Maii 1669.

Præterea Sacerdotes quicumque, siue Sæculares, siue Regulares, quibus quandoque facultatem fecerimus in Ecclesiis Monialium sacra celebrandi, seu Diuinum verbum annunciandi (quod præcipuè munus etiam ij Regulares, ad quos earundem regimen pertinet, absque nostra be-

nedi-

nedictione exercere prohibentur) ex alto ministerio confestim discedant, nec se propterea ad sanctimonialium colloca-  
tiones ullo modo diuertant sub iisdem pœnis respecti-  
uè, vt supra.

Ast quoniam in his omnibus circumspectendis, & lani-  
tricum, & Abbatissæ, seu Priorissæ præcipuum munus est,  
hæ sedulo curent, vt hæc ad vnguem seruentur, si secus  
fecerint, pœnas à S. Can. comminatas incurrant.

Pueros quoque, ac puellas cuiuscunque minimæ ætatis  
extant, in Monasteria Monialium introduci non patitur S.  
Episcoporum Congr. 12. Februarii 1594.

Alio similiter Decreto eiusdem Congr. 6. Iunii 1613.  
emanato cautum est, nè loca per obitum Monialium intra  
numerum decedentium pro tempore vacatura cuiquam ad  
habitum suscipiendum concedantur, nisi vera, realique  
vacatione subsequuta; quod & obseruandum censemus,  
& volumus.

Cum autem paupertatis votum, quod solemnî profes-  
sione nuncuparunt, quarumlibet rerum dominium à Mo-  
nialibus procul eliminet, & ableget alienandi facultatem;  
tempore mortis caueant, ne alteri per modum donatio-  
nis, seu legati, aut quauis alia ratione quidquam alienent,  
quamuis interposito nutu, aut consensu Abbatissæ, seu  
Priorissæ, quod excedat in totum summam duorum scuto-  
rum Venetorum.

Quò ad ingressum puellarum in Monasterium, earumq;  
educationem, & disciplinam, seruentur ea, quæ ab Illustri-  
simo, & Reuerendissimo DD. Iacobo Diedo Prædecessore  
nostro in Synodo Diœc. 1609. in cap. de Monialibus fol. 62.  
fancita sunt. In reliquis verò, quæ spectant ad susceptio-  
nem habitus, ad annum probationis, & ad professionis  
solemnis emissionem, seruentur, quæ à Concil. Trid. sess.  
25. cap. 16. & à S. Cong. Episcoporum 17. Aprilis 1604.  
declarata, atque decreta fuerint; quæ Congregatio cum  
rem-

tempore bacchanalium aliquā animi remissionem Monialibus concedendam existimet, & concedat; ea tamen debere esse honestam, & non in liberioris vitæ licentiam declarat. Eapropter habitum sibi assumere virilem, ferro latus cingere, obscenos sermones, quibus castæ aures læduntur, multoque magis turpia, vel quæ turpibus proximè accedunt exhiberi, aut repræsentari prohibet, nè virgineus candor decolori voce, aut gestu non honesto inficiatur: hac quoque prohibitione afficiuntur moniales Regularibus subiectæ.

## *De bonorum Ecclesiasticorum tutela.*

### *Cap. XXI.*

**B**eneficiorum Patrimonia, siuè Defensoribus destituta, siuè à Curatoribus impiè prodita, siuè ab inuasoribus temerè occupata sæpius adeò sædè deperirent, vt iurium monumentis vel amissis, vel interceptis, spes nulla ea in ditionem, & censum Ecclesiasticum vindicandi reliqua videatur. Id malum ne longè serpat, omnibus, & singulis Capitulo Cathedralis, Seminarii Deputatis, Canonicis, Præpositis, Parochis, & Beneficiatis quibuscunque in virtute Sanctæ Obedientiæ districte mandamus, quatenus in termino sex mensium proximè futurorum, & illis, qui deinceps Beneficia obtinebunt, intrā sex menses ab eorum legitima, & quieta possessione numerandos, omnium bonorum, mobilium, immobilium, iurium, actionum, fîctorum, decimarum, censuum, siuè reddituum annuorum, & aliorum quorumcunque ad Ecclesias, mensas, beneficia, præbendas, vel administrationes eorum pertinentium, propositis publicis edictis, citatisque vicinis, & coherentibus, solemne inuentarium à Notario publico subscribendum, conficiendum curent. Ex quo duo  
exem.

exempla authentica extrahantur, vnum asseruandum apud Beneficiatum, alterum verò in Cancellaria Episcopali presentandum, ibique in libro, siue filciapro talibus inuentariis specialiter destinanda perpetuò custodiendum. Inobedientes, & salutis suæ immemores debitas, Nobis exigentibus, penas dabunt.

### *De Cathedratico . Cap. ult.*

**C**athedraticum iuxta Sacras Conciliorum Sanctiones Nobis in solemnī Synodali sessione debitum, & ab Illustrissimo Ioanne Iacobo Diedo in Synodo sua fol. 63. exactum, ab Illustrissimo verò Baduario in sua fol. 7. remissum, & Nos libenter in presentium temporum calamitate, & angustia remittimus, & condonamus, sine tamen præiudicio Iurium Ecclesiæ, & Dignitatis Nostræ, quibushac voluntaria Nostra cessione pro hac vice facta detrimentum inferre non intendimus.

Finalis verò clausula harum nostrarum constitutionum sit, vt omnes, & quascunque aut Nostras, aut Nostrorum Præcessorum Synodos, atque edicta in suo robore permanere velimus, confirmemus, & innouemus, excepto Decreto Illustrissimi Petri Emi in sua Synodo 1628. 6. Conc: prouinc. vsque ad vltimum, quod incipit Cancellarius noster, &c. circa quod, id seruari volumus quod de iure communi Sacrorum Canonū sancitum est, & non aliter; declarantes mentis nostræ non esse, iniungere obseruantiam Decretorum Præcessorum nostrorum sub censura aliqua, nisi quoties à Nobis expressè in his nostris Decretis apposita fuerit. Postremò quæ debemus, humilitate, reuerentia, atque obedientia Sanctæ Sedis Apostolicæ, ac Sanctæ Romanæ Ecclesiæ omnium Matris iudicio omnia quęcunque in hac Synodo constituta sunt, emendanda, corrigenda, augenda, minuenda, & quouis modo mutanda, subijcimus.

Nequis autem horum Decretorum ignorantiam allegare possit, Vniuersis, ac singulis Ecclesiasticis in virtute S. Obedientiæ præcipimus, vt libellum hunc primæ Nostræ Synodi Diocesane, statim ac Typis fuerit impressus, atq; euulgatus, sibi coemere teneantur.

74  
SS. D. N. CLEMENTIS

DIVINA PROVIDENTIA PR. X.

CONSTITUTIO

In qua Regularium privilegia quo ad  
Prædicationem Verbi Dei,  
Et Sacramenti Pœnitentię administrationem  
declarantur.



**S**UPERNA magni Patris familias prædicatione creditum Nobis vniuersalis Ecclesię mysticum agrum circumspecta providentia custodire, atque excolere (quantum ex alto conceditur) satagentes, animum in eas curas libenter intendimus, quibus valeant dissidia inter villicos, & operarios componi, iurgia tolli, scandalis, atque offensionibus aditus præcludi. Ut quibus vna fides, vna Mater Ecclesia, & vnus Dominus, qui charitas est, & pacis cogitans cogitationes, fiat etiam cor vnum, atque anima vna; sic etenim euulsis opportunè zizanijs, dum plantamus, & rigamus; incrementum dabit Deus; Quo benedicente messis multa fructu centesimo exaltesse in horreum congregabitur.

Sanè cum Sacri Concilij Tridentini decretis providè statutum fuerit, vt Regulares cuiuscunq; Ordinis, nisi à suis Superioribus de vita, moribus, & scientia examinati, & approbati fuerint, ac de eorum licentia, etiam in Ecclesijs suorum Ordinum prædicare non possint; cum qua licentia personaliter se coram Episcopis præsentare, & ab eis benedictionem petere teneantur, antequàm prædicare incipiant; In Ecclesijs verò, quę suorum Ordinum non sunt, vltra licentiam suorum Superiorum etiam Episcopi licentiam gratis ab eo dandam habere teneantur. Sinè quā in ipsis Ecclesijs non suorum Ordinum nullo modo prædicare possint. Atque vt nullus Sæcularis, siuè Regularis etiam in Ecclesijs suorum Ordinum contradicente Episcopo prædicare præsumat. Itidemquè cum nullus Sacerdos Regularis possit confessiones Sæcularium etiam Sacerdotum audire; nec ad id idoneus reputari, nisi aut Parochiale beneficium

ficiū obtineat, aut ab Episcopis per examen, si illis videbitur esse necessarium, aut aliā idoneus iudicetur; Et approbationem, quæ gratis detur, obtineat, priuilegijs, & consuetudine quacunque, non obstantibus. Innotuit Nobis dubitationes nonnullas circa benedictionem, licentiam, contradictionem, examen, & approbationem eiusmodi in aliquibus Dioccesibus excitatas fuisse; ex quibus controuersæ, & dissensiones permultæ indiem subsequi possent occasione priuilegiorum, quæ per Sedem Apostolicam religiosis Ordinibus concessa fuerunt.

Nos attendentes, quod aliis diuersis temporibus prædictæ dubitationes, & controuersæ nonnullis Prædecessorum Nostrorum Summorum Pontificum Constitutionibus, earumque Declarationibus definitæ fuerint. Eiusmodi definitiones in vnum collectas, vt magis, magisque dissensionum tollantur semina, & in posterum firmiter in Agro Dominico pax Christi floreat; pro summo, quo fungimur Apostolatus officio nouis Apostolicis litteris muniendas duximus, & roborandas; Itaque de consilio nonnullorum Venerabilium Fratrum Nostrorum S. R. E. Cardinalium, & dilectorum filiorum Romanæ Curie Prælatorum pietate, doctrina, & prudentia præstantium, & matura deliberatione nostra, atque ex certa scientia; hac generali, & perpetuò valitura Constitutione decernimus, ac declaramus.

Regulares, qui in Ecclesijs sui Ordinis prædicare voluerint, teneri ab Episcopo Diocesano benedictionem petere; Prædicare tamen posse, quāuis illam non obtinuerint. Quod si Episcopus benedictionem nedum non concesserit, sed etiam contradixerit, nec in prædictis quidē Ecclesijs licere Regularibus prædicare, eosque contrauenientes ab illo tanquam Sedis Apostolicæ Delegato censuris alijsque poenis Ecclesiasticis in vim Constitutionis fel. rec. Gregorij XV. Prædecessoris Nostri, incipientis, *Inscrutabili Dei* *providentia*, coerceri, & puniri posse; Episcopum tamen absque iusta, & rationabili causa contradicere non debere; Et huiusmodi benedictionem teneri etiam Regulares petere; Si in quibuscunque Oratorijs sui Ordinis sermonem coram Populo, vel in Ecclesijs, aut ad Crates Monasteriorum Sacramentalium eorum iurisdictioni subiectarum licet clausis ianuis & nullus Sæcularis ibi interfit, habere voluerint. Posse autem Episcopum licentiam concessurum Regularibus in Ecclesijs, quæ suorum Ordinum non sunt, prædicare volentibus, illos, quāuis ab Vniuersitatibus, aut Magistratibus laicis nominatos, etiam si Episcopi Antecessores per tempus

inmemorable hanc licentiam absq; examine concedere consueverint; quoad doctrinam examinare; Si ita ipsius arbitrio, quod moderatum, & discretum esse debet, visum fuerit. Et licentiam prædicandi semel iisdem concessam ob rationabiles causas licet occultas, prædicationem tamen concernentes suspendere. Non posse tamen Episcopum generatim prohibere Regularibus, quin in Ecclesijs suorum Ordinum prædicent.

Ad hæc Religiosos ab Episcopo ad Confessiones sæcularium in sua Diœcesi audiendas approbatos, non posse in alia Diœcesi eas absq; Episcopi Diœcesani approbatione audire, quamvis penitentes subditi sint eius Episcopi, à quo ipsi Religiosi iam fuerant approbati. Et generaliter approbatos ab Episcopo ad Personarum, sæcularium confessiones audiendas nequaquam censi approbatos ad audiendas confessiones Monialium sibi subiectarum; Sed egere quoad hoc speciali Episcopi approbatione; Atque approbatos pro audiendis confessionibus Monialium vnius Monasterij minime, posse audire confessiones Monialium alterius Monasterij. Idemque Confessores extraordinarios semel deputatos, atque approbatos ab Episcopo ad Monialium confessiones pro vna vice audiendas, haud posse expleta deputatione in vim approbationis huiusmodi illarum confessiones audire; Sed toties ab Episcopo esse approbandos, quoties casus deputationis contigerit. Cæterum in Monasterijs, ac etiã Collegijs, vbi iuxta Regularia instituta vivitur, posse etiam Prælatos Regulares, quam Confessores Regularium eorundem Monasteriorum, seu Collegiorum audire confessiones illorum Sæcularium, qui inibi sunt verè de familia, & continui commensales, non autem illorum, qui tantum ipsis deseruiunt. Illos autem Religiosos, qui ad confessiones audiendas idonei generaliter reperti fuerint, ab Episcopis, generaliter quoque, & indistinctè absque aliqua limitatione temporis, certorumque locorum, aut generis Personarum in Diœcesi propria admittendos. Quoad ceteros verò, qui non adeò idonei reperientur, si petierint se admitti, arbitrio Ordinariorum relinqui, ipsos cum limitata facultate, prout eisdem Ordinarijs magis expedire videbitur, probare, & admittere. Semel autem simpliciter approbatos posse in Diœcesi Episcopi approbantis quouis Anni tempore etiã Paschali, & quorumcunq; etiam infirmorum confessiones audire absq; vlla Parochorum, vel ipsius Episcopi licentia. De qua tamen confessione teneri dictos Religiosos eorundem Infirmorum Parochum illico certiore reddere; Et hoc posse illis ab Episcopo sub pœna suspensionis à facultate audiendi



diendi confessiones præcipi: Sufficere tamèn, vt certioratio huiusmodi fiat saltèm per scripturam apud ipsùm Infirmum relinquendam.

Et eos, qui dictis Religiosis simpliciter approbatis Paschali tempore confessi fuerint; Constitutioni, quæ incipit *Omnis vtriusq; sexus*, quoad Confessionem dumtaxat satisfecisse censendos. Regulares verò ad eiusmodi confessiones audiendas præuio examine simpliciter, & absque vlla temporis præfinitione ab ipsomet Episcopo, secus autem si ab eius Vicario, aut ab Antecessoribus Episcopis approbatos, non posse ab eodem, qui sic approbavit, iterum examinari; aut ab eisdem Confessionibus audiendis suspendi; seu licentias illis concessas reuocari, nisi noua superueniente causa, quæ ipsas Confessiones concernat. De qua tamen haud necessarium esse, vt in actis constet; nec eam teneri Episcopum ipsis Regularibus significare; sed Sedi Apostolicæ dumtaxat, vbi eam sibi aperiri postulauerit. Porro si Regulares cum scandalo, aut aliàs inhonestè viuant; vel aliquod delictum cõmittant, per quod rationabili Episcopi iudicio videantur à Confessionibus suspendendi, in quo ipsius Episcopi conscientiam oneratum esse volumus, cum præcipua Ministri Sacramenti poenitentiae qualitas sit vitæ integritas, ac morum honestas; vtiq; eam causam ad Confessionis ministerium pertinere, ac proindè nihil ob stare, quominus ob eam possit Episcopus Regulares à semetipso approbatos suspendere, aut repellere à Confessionibus audiendis. Attamèn Confessiones audiendi facultatem omnibus simul vnus Conuentus Regularibus Confessoribus adimmi ab Episcopo inconsulta Sede Apostolica nullatenus posse. Ex facultatibus per Mare Magnum, aliaue priuilegia Regularibus cuiuscunque Ordinis, Instituti, aut Societatis etiam Iesu concessis factam eis non esse potestatem absoluendi in casibus ab Episcopo sibi reservatis. Et per Confirmationes dictorum Priuilegiorum, quas Regulares à Sede Apostolica post Sacrum Concilium Tridentinum obtinuerunt, nequaquam reuixisse priuilegia prius ab eodem Concilio, aut deinde Apostolicis etiam Decretis sublata, atque extincta, si quæ habebant, absoluendi à casibus Episcopo reservatis.

Et habentes facultatem absoluendi ab omnibus casibus Sedi Apostolicæ reservatis, non idèò à casibus Episcopo reservatis posse absolvere. Possè autem Regularem Confessorem in ea Diocesi, in qua est approbatus, confluentes ex alia Diocesi à peccatis in ipsa reservatis, non autem in illa, vbi idem Confessor est approbatus absolvere, nisi eosdem Penitentes nouerit in fraudem reservationis

nis ad alienam Diocesim pro absolutione obtinenda migrasse. Vigore supradictorum priuilegiorum nequaquam licere Regularibus etiam satisfacta parte absolvere Penitentes à censuris quoad externum, & iudiciale forum, & absolutos ab eis in foro Penitentiali, utique non censi absolutos in exteriori iudicio, & contentioso. Quinimò Censuris Ecclesiasticis irretitos, & denunciatos ab Episcopis cogi posse gerere se pro talibus, etiam si à Regularibus fuerint absoluti. Quoties exhibitis aliquibus Regularium Apostolicis Priuilegijs coram Episcopo, ab eo iudicetur ipsa non suffragari casui, de quo agitur; Si dictorum priuilegiorum verba obscura sint, & ambigua; non esse ad Metropolitanum prouocandum; sed cum eius sit interpretari, cuius est condere; dictorum priuilegiorum interpretationem Sedis Apostolicæ iudicio, prout alijs Constitutione Prædecessoris Nostri fel. rec. Clementis IV. statutum fuit; esse requirendum.

Decernentes sic & non alijs per quoscunq; Iudices Ordinarios, vel Delegatos quauis auctoritate, & dignitate fungentes etiam causarum Palatii Apostolici Auditores, ac S. R. E. Cardinales etiam de Latere Legatos, Vicelegatos, & Nuncios, & quosuis alios, sublata eis, & eorum cuilibet quauis aliter iudicandi, & interpretandi facultate, & auctoritate, indicari, & definiri debere. Irritum quoque, & inane quidquid secus super his à quoquam quauis auctoritate scienter, vel ignoranter contigerit attentari. Non obstantibus quibuscunq; Constitutionibus, & Ordinationibus Apostolicis in fauorem quarumcunque personarum, atque quorumuis Ordinum tam Mendicantium, quam non Mendicantium, Militiarum etiam S. Ioannis Hierosolymitani, Congregationum, Societatum, etiam Iesu, ac cuiuscunq; alterius Instituti etiam necessario, & in indiuiduo exprimendi, Monasteriorum, Conuentuum, Capitulorum, Ecclesiarum, & aliorum quorumcunque tam Sæcularium, quam Regularium locorum, necnon illorum etiam Iuramento, Confirmatione Apostolica, vel quauis firmitate alia roboratis, Statutis, vel consuetudinibus etiam immemorabilibus, exemptionibus quoque, Indultis, & Priuilegijs etiam in corpore Iuris clausis, aut ex causa, & titulo oneroso, vel in limine foundationis concessis, etiam Mari Magno, seu Bulla aurea, aut alijs nuncupatis; Conservatorum deputationibus, eorumque, atque alijs inhibitionibus, quibus Episcopi deferre minimè teneantur, & quibuscunq; alijs sub quibuscunq; tenonibus, & formis, ac cum quibuscunq; etiam derogatorijs, alijsque efficacioribus, & insolitis clausulis,

nec-

ne non irritantibus, & alijs decretis, etiam Motu proprio, & ex certa scientia, ac de Apostolica potestate plenitudine, aut alijs quomolibet etiam per viam communicationis, seu extensionis concessis, & iteratis vicibus approbatis, & innouatis, quibus omnibus etiam si pro illorum sufficienti derogatione de illis, eorumque totis tenoribus, & formis specialis, specifica, expressa, & indiuidua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc seruanda foret, tenores huiusmodi, ac si de verbo ad verbum nihil penitus omisso, & forma in illis tradita obseruata, inserti forent, præsentibus pro plenè, & sufficienter expressis, & insertis habentes, illis quoad ea, quæ eisdem præsentibus aduersantur, illis alijs in suo robore permansuris harum serie specialiter, & expressè derogamus, cæterisque contrarijs quibuscunque. Cæterùm quia difficile foret præsentibus litteras ad singula quæque loca deferri, vt ex tamen omnibus innotescant, mandamus illas ad Valuas Ecclesiæ Lateranensis, & Basilicæ Principis Apostolorum de Vrbe, atque Cancellariæ Apostolicæ, & in Acie Campi Floræ affigi, & publicari. Volentes, quod earundem præsentium litterarum, transumptis etiam impressis, manu tamen alicuius Notarii publici subscriptis, & sigillo Prælati, seu personæ in dignitate Ecclesiastica constitutæ munitis in iudicio, & extra illud ubi opus fuerit, eadem prorsus fides adhibeatur, quæ ipsis originalibus adhiberetur, si forent exhibitæ, vel ostensæ. Nulli ergo omnino hominum liceat hanc paginam nostrorum Decretorum, Declarationis, Derogationis, Mandati, & voluntatis infringere, vel ei ausu temerario contraire. Si quis autem hoc attentare præsumpserit indignationem Omnipotentis Dei, ac Beatorum Petri, & Pauli Apostolorum eius se noverit incursurum. Dat. Romæ apud S. M. Maiorem Anno Incarnat. Dominicæ millesimo sexcent. septuagesimo, Vndecimo Kal. Iulij, Pontificatus Nostri Anno Primo.

G. Dat.

*Visa de Curia P. Ciampinus.*

I. G. Slufius.

D. Ciampinus.

Anno à Natiuitate D. N. IESU CHRISTI 1670. Indiæ. verb. viij, 1. Mensis Augusti, Pontific. autum. 88. In Christi Patria, & D. N. D. CLEMENTIS Diuina Providentia PP. X. Anno eius primo, præfata Constitutio affixa, & publicata fuit ad Valuas Eccl. Lateranen. Basilicæ Principis Apostolorum, & Cancell. Apost. & in acie Campi Floræ, locis solitis, & consuecis vrbis permo Hilariū Centellū SS. D. N. PP. Curf.

Petrus Marcheratus Mag. Curf.

## D E C R E T U M

CIRCA

## COMMUNIONEM QUOTIDIANAM.



V M ad aures Sanctissimi D. N. fide dignorum testimonio peruenit, in quibusdam Diocesis-  
bus vigere vsum quotidianæ Communione,  
etiam in feria sexta Parasceue, & simul affirmari  
eamdem quotidianam Communione precep-  
tam esse à iure Diuino, quin etiam in illius ad-  
ministratione aliquos abusus inoleuisse; vide-  
licet, quod aliqui, non in Ecclesia, sed in pri-  
uatis Oratorijs, & Domi, imò cubantes in lecto, & non laborantes  
vlla grauis infirmitatis nota sumant Sacrosanctam Eucharistiam,  
quam argentea theca inclusam in crumena, aut secreto illis defe-  
runt Sacerdotes Sæculares, aut Regulares; alijque in Communio-  
ne accipiant plures formas, ac particulas, vel grandiores solito; ac  
tandem quis confiteatur peccata venialia simplici Sacerdoti non  
approbato ab Episcopo, aut Ordinario. Cùm autem hæc Sanctis-  
simus consideranda commiserit S. Congregationi Cardinalium,  
Concil. Tridentini Interpretum, eadem S. Congregatio præiudica ma-  
tura discussione super prædictis vnanimi sententia ita censuit: Et si  
frequens, quotidianæ Sacrosanctæ Eucharistiæ vsus à SS. Patri-  
bus fuerit semper in Ecclesia probatus; nunquam tamen, aut sæ-  
pius illam percipiendi, aut ab ea abstinendi, certos singulis men-  
sibus, aut hebdomadis dies statuerunt, quos nec Concilium Tri-  
dentinum præscripsit, sed quasi humanam infirmitatem secum re-  
puta-

putaret, nihil præciens, quid cuperet, tantum indicauit, cum inquit: *Optaret quidem Sacrosancta Synodus, vt in singulis Missis fideles adstantes Sacramentali Eucharistia perceptione communicarent*; Idque non immerito; multiplices enim sunt conscientiarum recessus, variaz ob negotia spiritus alienationes, multæ è contra gratiæ, & Dei dona paruulis concessa: quæ cum humanis oculis scrutari non possimus, nihil certè de cuiusque dignitate, atque integritate, & consequenter de frequentiori, aut quotidiano vitalis panis esu potest constitui. Et propterea quod ad negotiatores ipsos attinet, frequens ad Sacram alimoniam percipiendam accessus, Confessariorum secreta cordis explorantium iudicio est relinquendus, qui ex conscientiarum puritate, & frequentia fructu, & ad pietatem processu Laicis negotiatoribus, & Coniugatis, quod prospicient eorum saluti profuturum, id illis præscribere debent. In Coniugatis autem hoc amplius animaduertent, cum B. Apostolus nolite eos inuicem fraudari, nisi fortè ex consensu ad tempus, vt vacent orationi, eos seriò admoneant, tantò magis ob Sacratissimæ Eucharistia reuerentiam continentia vacandum, puriorque mente ad Coelestium Epularum Communionem esse conueniendum. In hoc igitur Pastorum diligentia potissimum inuigilabit, non vt à frequenti, aut quotidiana Sacra Communionis sumptione vnica præcepti formula aliqui deterreantur, aut sumendi dies generaliter constituentur, sed magis quid singulis permittendum per se, aut Parochos, seu Confessarios sibi decernendum putet; Illudque omninò provideat, vt nemo à Sacro Conuiuii seu frequenter, seu quotidie accesserit repellatur, & nihilominus det. operam, vt vnusquisquè dignè pro deuotionis, & præparationis modo rariùs, aut crebriùs Domini Corporis suauitatem degustet. Itidem Moniales quotidie Sacram Communionem, petentes admonendæ erunt, vt in diebus ex earum Ordinis instituto præstitutis communent. Si quæ verò puritate mentis eniteant, & seruire spiritus ita incaluerint, vt dignæ frequentiori, aut quotidiana Sanctissimi Sacramenti perceptione videri possint, id illis à Superioribus permittatur. Proderit etiam præter Parochorum, & Confessariorum diligentiam, opera quoque Concionatorum vti, & cum eis constitutum haberi, vt cum fideles ad Sanctissimi Sacramenti frequentiam (quod facere debent) accenderint, statim de magna ad illud sumendum præparatione orationem habeant, generatimque ostendant, eos qui ad frequentiore, aut quotidianam salutiferi cibi sumptionem deuoto studio excitantur, debere, siuè Laici ne-

gordiores sint, siue Coniugati, siue quicumque alij, suam agnoscere infirmitatem, vt dignitate Sacramenti, ac Diuini iudicij formidine discant celestem mensam, in qua Christus est, reuerentia. Et si quando se minus paratos senserint, ab ea abstinere, sequi ad maiorem preparationem accingere. Episcopi autem, in quorum Diocesisibus viget huiusmodi deuotio erga Sanctissimam Sacramentis precibus illa gratias Deo agant, cuiusque ipsi attributo prudentia, & iudicij temperamento alere debebunt, & ab eorum officio postulari sibi maxime persuadebunt, nulli labori, aut diligenti percurandum, vel omnis irreuerentia, & scandali suspensio in vest, & immutata Agni perceptione tollatur, virtutesque, ac dona in fidentibus augerantur. Quid abinde continget, si illi, qui deuoto huiusmodi studio, diuina prestante gratia tenentur, sequi Sacratissimo Panem frequentius sescil capiant, suas vires expendere, sequi probare cum timore, & charitate assueverint: Quibus Christum Dominum, qui se fidelibus manducantem, & se primum in morte tradidit, atque in caelesti Regno se primum est daturus, precatum Sacra Congregatio, vt suam opem ad dignam preparationem, & summptionem largiatur. Porro Episcopi, & Parochi, seu Confessarii redarguant asserentes Communionem quotidianam esse de iure Diuino, doceant in Ecclesijs, seu Oratorijs priuatis, ex dispensatione, seu Priuilegio Pontificis de manu Sacerdotis seminandam Sanctissimam Eucharistiam, nec eam villo modo deferendam: in Crumena, aut secreto ad existentes domi, vel cubantes in lecto, quam ad infirmos, quicquid illam suscipiant ad loca predicta accedere non valeant, & ad eos, si ab Ecclesia deferatur, publice, & cum pompa iuxta formam Ritualis Romani; Si verò ab Oratorio priuilegiato, cum forma decenti. Curent etiam, vt circa Communionem in feria sexta Pasceus, Missalis Rubricæ, & Ecclesiæ Romanæ vsus seruentur; insuper admoeneant, nulli tradendas plures Eucharistiæ formas, seu particulas, neque grandiores, sed consuetas; Non permittant, vt venialium confessio fiat simplici Sacerdoti, non approbato ab Episcopo, aut Ordinario. Si Parochi, & Confessarii etiam Regulares, aut quicumque alij Sacerdotes seculi egerint, sciant Deo Optimo Maximo rationem reddituros esse, neque de futuram Episcoporum, & Ordinariorum iustitiam, ac rigorosam animaduersionem in contrasacientes, etiam Regulares etiam Societatis Iesu, facultate ipsis Episcopis, & Ordinarijs per hoc Decretum per Sedem Apostolicam specialiter attributa.

Et facta de præmissis omnibus, ac de verbo ad verbum relatione, Sanctitas Sua approbavit, ac præsens Decretum Typis dari, ac publicari voluit. In quorum, &c.

Datum Romæ 12. Februarij 1679.

**F. Card. Columna Præf.**

**S. Archiepisc. Brancaccius Episc.  
Viterbien. Secr.**

*Die 15. Mēsis Februarij 1679. Supradictum Decretum affirmatum, & publicatum fuit per urbem ad valvas Curie, & in acie Campi Floræ, ut moris est, per me Agidium Felicem SS. D. N. PP. Cursorem, Pro D. Magistro Cursorum Gregorius Staggius Apof. Curs.*

## D. D. MARCI ANTONII ZOLLII

DEI, ET APOST. SEDIS GRATIA EPISC. CREMEN.

*Adempta facultate omnibus Confessarijs ab illis absoluedi,  
sine speciali Sua Illustrissima Dominationis licentia, & delegatione.*

- 1 **O**Mnes Censuras latæ sententiæ contentas in Synodis nostræ Diœ-  
cesis, & alias omnes à iure communi, vel constitutionibus  
Apostolicis Nobis referuatas.
- 2 Qui blasphemiam in Deum, vel B. Virginem protulerint.
- 3 Qui ad Moniales ad prauum finem acceperint, aut literas, v. el per-  
sonas inter nuncios ad eandem miserint ad eundem prauum finem.
- 4 Qui in iudicio falsum testimonium dixerint etiam si nullius damno;  
qui testes ad id metu, fraude, vel pretio induxerint; vel scriptu-  
ras publicas falsificauerint, aut stateras, mensuras, monetasque  
adulterauerint; vel corruperint.
- 5 Qui homicidium voluntarium per se, vel per alios perpetrauerint,  
sive consilium, vel auxilium præstiterint.
- 6 Qui studiosè procurauerint abortum etiam fetus inanimati, si sequa-  
tur effectus; quiue filios detinuerint in lecto ante annum comple-  
tum absque cautione præscripta, sine nostra, vel Delegatorum à  
Nobis licentia: quiue filios prædictos ex negligentia suffocauerint.
- 7 Qui incestum cum consanguineis, vel affinibus in primo, vel secun-  
do gradu commiserint. Item qui bestialitatem, aut nefandum So-  
domiæ peccatum perpetrauerint.
- 8 Viuentes in concubinato, seu adulterio, licet non cohabitent, post-  
quam à Nobis, vel à Parocho eorum moniti fuerint.
- 9 Qui Patrem, aut Matrem verberauerint.
- 10 Qui Pij legatis satisfacere neglexerint ultra biennium: ac Notarij  
qui illa denunciare distulerint ultra bimestre.
- 11 Qui Locis Pij infantes exposuerint, cum habeant vnde illos alant,  
neque eorum locorum damna refarciuerint.
- 12 Qui Pater, aut Mater, aut Vir consenserit vt filia, aut vxor se  
prostituatur.



# LIMITATIONES

Quibus restringitur facultas

## CASVVM RESERVATORVM

Alicui Confessario simpliciter concessa, vel concedenda  
in Ciuitate, & Diœcesi Cremensi.

**N**ON conceditur.


- 2 Conceditur, dummodo earum absolutio non pertineat ad S. Off. Inquisit.
- 3 Non conceditur.
- 4 Non conceditur quoad falsum testimonium in iudicio: quoad cetera conceditur.
- 5 Non conceditur.
- 6 Conceditur, non sequuto effectu mortis fetus animati: quo verò ad suffocantes non conceditur. In reliquis conceditur.
- 7 Quo ad incestum pro feminis conceditur: pro maribus verò in primo gradu non conceditur. Cetera conceduntur.
- 8 Non conceditur, nisi præiua defectione occasionis proxima.
- 9 Conceditur, dummodo non grauer iudicio Confessarij.
- 10 Conceditur in secundo, & quarto anno dilationis; & non ultra, nisi præiua satisfactioe, & denuntiatione.
- 11 Conceditur pro primo anno post expositionem, ceterum non conceditur, nisi facta compensatione, cessante causa inopie.
- 12 Non conceditur.

IN-

# INDEX CAPITVM.

<b>D</b> E Professione Fidei. Cap. I.	pag. 19
De Doctrina Christiana. Cap. II.	20
De Predicatione Verbi Dei. Cap. III.	22
De Festorum obseruantia, & Ecclesiarum reuerentia, & cultu. Cap. IV.	23
De Sacramentis in genere. Cap. V.	27
De Baptismo. Cap. VI.	28
De Sacramento Confessionis. Cap. VII.	30
De SS. Sacramento Euchar. Cap. VIII.	31
De Sacrificio Missa. Cap. IX.	33
De Sacramento Penitentia. Cap. X.	37
De Extrema Vnctione. Cap. XI.	39
De Funeralibus, & Exequijs. Cap. XII.	41
De Pijs legatis. Cap. XIII.	47
De Sacramento Ordinis. Cap. XIV.	48
De Sacramento Matrimonij. Cap. XV.	51
De Vita, & honestate Clericor. Cap. XVI.	54
De Officio Parochi. Cap. XVII.	59
De Vicarijs Foraneis. Cap. XVIII.	64
De Ecclesia Cathedrali. Cap. XIX.	66
De Monialibus. Cap. XX.	69
De Bonor. Ecclesiasticor. tutela. Cap. XXI.	72
De Cathedralico. Cap. vlt.	73

11/11/11











BIBL  
VITT. E

16

3